

# أولادنا في لندن





## المؤلف . . والكتاب

■ على سالم ■

● على سالم قادر دائما على تفجير الضحكات من اكثر المواقف ايلاما وهذا هو ما يميز الكوميديا المصرية الاصيلة . انها احزان عميقة ، تعلن عن نفسها من خلال الضحكات .

● والمتتبع لمسرحنا المعاصر ، لا يستطيع مهما كان موقفه السياسى والنقدي ان يتجاهل مسرحيات مثل « انت اللي قتلت الوحش » ، « عفاريت مصر الجديدة » ، و « اغنية على المر » ، تلك المسرحيات التى احدثت هزة عنيفة فى المسرح المصرى على المستوى الفنى والسياسى . كما اننا على مستوى الفرجة الصريحة ، لا نستطيع ان نتجاهل مسرحية « مدرسة المشاعين » التى استمر عرضها ثلاثة اعوام كاملة .

● وفى مسرحيته هذه « اولادنا . . فى لندن » يتالق على سالم ويصل الى قمة نصحه الفنى ، فهو يتناول مشكلة جادة ومعاصرة ، مثل ضياع شباننا فى اوربا ويعالجها بعذوبة ورقة فى اطار من الضحكات العالية الذى يقرب بنا اكثر وأكثر من صلب المشكلة ، ثم لا ينسى ان يذيب هذا كله فى مهارة شديدة لكى يتحول الى دموع حزينة فى النهاية .



ثقافة وعلم إنسانية هادئة

# اولادنا في لندن

تأليف د. ابله محمد

على سلام



ثقافة وعلم إنسانية لكل الشعب

دار مؤسسة دار

## الشعب

للطباعة والنشر والتوزيع

رئيس مجلس الادارة ورئيس التحرير

أحمد زكي الحلبي

مدير التحرير

الانور زعلوق

الادارة : مؤسسة دار الشعب

٩٢ شارع قصر العيني - القاهرة - ١١٤٠٠٠٠

٣٦١١٠

متنظّل القاهرة دائماً قلب العربيّة والإسلام النابض  
تتبوأ مكانتها التاريخيّة والحضاريّة  
في عالم... الفكر.. والثقافة... والنشر.....

● الطبعة الأولى ● يوليّه ١٩٧٥ ●

- الأعداد الفني : ثروت الشعراوي
- الغلاف والرسوم : محمد حاكم
- الداخلية للفنان : مؤسّسة دار الشعب
- الناشر : ٩٢ شارع قصر العيني  
القاهرة تليفون ٢١٨١٠

## الفصل الأول

( شقة متواضعة في شارع إيرلز كورت

Earl's Courte الشقة مكونة من غرفتين  
وممر صغير بينهما ، غرفة النوم ضيقة وبها  
سريران صغيران ودولاب في الحائط ، غرفة  
الصالون واسعة نوعا ما ، بها مقعدان فقط  
ومائدة صغيرة ودولاب مركب في الحائط ،  
نافذتان عريضتان على الشارع في غرفة  
الصالون .

على المر يقع حمام صغير وامامه مطبخ،  
يراعى ان يكون المشهد على المسرح طعاما  
طوليا في الشقة ، باب الشقة في صدر المسرح  
والى اليمين المتفرج ، عندما تفتح الستار  
تكون الشقة مظلمة ، لا يضيئها الا النور  
أنوار لافتات النيون المتقطعة التي تأتي من الشارع  
عبر النوافذ .. الحواري التالي يصلنا من  
خلالي المايكروفون لشخصين يصعدان السلم )

- ... : سبب المشقة الكبيرة .
- ... : لا .. حاضيلها أنا .
- ... : هو البيت ده مغيش فيه أسانسر .. ؟
- ... : أسانسر على ايه .. ؟ البيت كله دورين .. وشقتنا في  
الدور الأول .
- ... : الظاهر مغيش حد الا احنا .
- ... : واضح ان الشقة الثانية مكاتب .. بيقلوا بالليل ..  
خد بالك الاسطوانات حاتقع .

... : خلاص وصلنا ، المفتاح ممالك ؟

... : ايوه . .

... : قول بسم الله الرحمن الرحيم وانت بتفتح .. وادخل  
برجلك اليمين .. ايوه .. برجلك اليمين .

... : بسم الله الرحمن الرحيم

( يفتح باب الشقة ويدخل سعيد ، يمد يده  
ويستغل على مفتاح النور الجاور للباب ،  
يقضي المكان فتتضح ملامح الشقة تماما ،  
يحمل حقيبة كبيرة وعدة اشياء ، وبعد عدة  
ثوان يدخل زميله عصمت بعصدة حقائب  
هاندباغ من احجام مختلفة ومجموعة كتب  
واسطوانات ، سعيد يتأمل المكان باعجاب  
شديد ، عصمت يأخذ طريقه لرفة الصالون  
يفتح احدى الخنائب يخرج منها كتابا يوصيها  
على المائدة الصغيرة )

سعيد : ( يتأمل السرير بفرحة ) سرير .. لوحدي .. يا عيني .

( يلقى بجسمه على السرير بتفتح )

سعيد : اخيرا بتتحقق احلامي .. حنام على سرير لوحدي .

عصمت : هي دي احلامك ؟

سعيد : دي قمة احلامي .

عصمت : ده انت متواضع قوى .

سعيد : لو كنت نمت طول عمرك على سرير واحد انت واخوانك  
الخمسة .. كنت فهمتني .

( ينهض من على السرير ويذهب الى المطبخ )

سعيد : بوتاجاز .. تلاجه .. يا هيئي .. يا سيدي .. ده ايه  
الهنا ده ؟

( يلقى نظرة على الحمام )

ياتيو .. مايه سخنه ومايه باردة .. ودش متحرك ..  
يا سلام .. الواحد بنام طول الليل على السرير لوحده  
.. والصبح يقوم ياخذ حمام سخن .. وبعدين يظفر ..  
يا سلام .. يظفر ..

عصمت : معجزة دي كمان ؟؟ فكرتني ، عاوز انزل اشتري كام  
طبة فول .

سعيد : مغيش فول حايدخل الشقة دي طول ما انا عايش ..  
علبة الفول اللي حاتدخل هنا ، حاتدخل على جثتي .

عصمت : ده موقف سياسي ده ؟

سعيد : لا .. موقف انساني .. سنين واجيال وانا انظر الصبح  
فول عادي .. والضهر فول بتقلبه .. والمغرب فول  
بقوطه .. في شقتنا دي الفطار حايبقى فطار .. توست  
مدعون بالزبدة .. قهوه باللبن .. قطعة من اللحم  
البارد .. حنة جينة فلمنك .. حنة مربة .. بيض  
مقلى ..

( يرتبان حاجياتهما )

عصمت : انت انسان غريب جدا .. بتقول الكلام ده في لندن ؟؟  
لندن ؟؟ انجلترا .. ؟؟ اعظم قلمة من قلاع  
الديمقراطية في العالم .. بقى بدال ما تفتخر من  
الحضارة والثقافة .. بدال ما ترمي نفسك في اعماق  
الفكر الانجليزي ..

سعيد : ( مقاطعا ) .. باقول لك ايه .. ؟؟ اطلع من مخي ..  
انا حاغترف لحمه .. حاغترف فراخ .. حاغترف بنات  
ورقص وفسح .. انت تفتخر ثقافة وحضارة زي  
ما انت عاوز .. بس بعيد عني ..

سعيد : Halo, this is Saied Speaking, Yes, yes Madam, OK, Madam, OK

سعيد : ( يتلفت لعصمت ) .. دى الوليه صاحبة البيت

عصمت : ما تقولش OK يابنى ، قول O'right

سعيد : مش فاهم حاجة من كلامها .. ( يعطيه السماعة ) .

عصمت : Yes my Lady, this is Esamat, be sure my Lady, every tming will be o'right, yes my lady, we are civilized enough to understand things Like this, O'right, thank you very much indeed.

### ( يضع السماعة )

عصمت : مفيش حنفية تفتح بعد الساعة عشرة بالليل .. الشقة

ما يتامش فيها الا اتنين بس .. الضيوف ممنوع ..

واذا كان فيه صديقات .. ما يقعدوش لبعد تسعة

بالليل .. كمان ما حدش يفضى بصوت على ..

سعيد : ادى انت شفت بنفسك آهو .. ودى ست مش سهله

واضح ان ليها قرابى فى الحكومة الانجليزية .. قبل

كده كنا بنظرد من اللوكانداات .. المره دى ممكن نظرد

من لندن نفسها ..

عصمت : عاوز حاجة من تحت .. ؟ .. انا حانزل اجيب عشا ..

سعيد : هات لنا شوية بقالة ، وهات لنا شوية معلبات ..

ومفيش داعى تعمل حدق وتسرب لى علبه فول فى

وسطهم .

عصمت : هي ديكتاتوريه يعنى ؟ .. افرض نفسى فى القول ..

سعيد : تاكله بعيد عن هنا .. مش عاوز اتواجد انا والقول فى

مكان واحد ..

عصمت : دى عقدة بقى .

عصمت : لكم دينكم ولى دين .

سعيد : اسمع يا عصمت .. احنا مش عاوزين نختلف .. المرة

دى لو اختلفنا .. حاسيبك .. لازم نتفق ، اللي اوله

شرط ، آخره نور .. الشقة دى ، بتاعتنا .

عصمت : طبعاً .

سعيد : ما حدش حايدخلها غيرنا .. اودة النوم دى بتاعتنا احنا

الاتنين بس .. المطبخ ده بتاعتنا احنا الاتنين .. الحمام

ده ما حدش حايسعمله الا احنا الاتنين .. اودة الصالون

دى .. احنا بس اللي حاتمتع بيها .

عصمت : سعيد انت غريب قوي ، شايفنى مليتها ضيوف يعنى ؟

.. خلاص .. احنا انظردنا من ست لوكانداات بسبب

الضيوف .

سعيد : كويس انك قلتها بنفسك .. المرة دى مش عاوز انظرد

من هنا .. عاوزين نستقر فى مكان بقى .. اوعى تفول

لحد على عنواننا .. انشا الله يكون سفير مصر .

عصمت : حاضر .

سعيد : ولا تبعت جوابات لمصر تقول فيه عنواننا .

عصمت : لا .. دى ما قدرش .

سعيد : عاوز تبعت لين ؟

عصمت : مش لسه حايت ؟ انا بعث لامي فعلاً .. بعث لها

جواب من عشرين يوم .

سعيد : اسمع يا عصمت .. والله العظيم لما اشوف ابويا فى

الشارع .. امى .. مفيش قوة فى الوجود ، حاتخلينى

انيم حد جانبي على سريري .

( جرس التليفون . سعيد يتناول السماعة )

سعيد : ابوه عقده .. ومش نارى اتعالج منها .. وهات لنا  
زبادى بالفواكه .. وجبنة وشاى . وسكر . وكام حته  
لحمه . وكام علبه بيرة .. وخرطوشة سجاير ..

( عصمت يخرج ، سعيد يرتب سريريه برفقه  
.. يستنشق باستمتاع هواء الشقة )

سعيد : وحدى .. وحدى .. والعالم بين ذراعى .. كل شىء  
باوان .. وكل شىء قسمه ونصيب .. مكتوب لى انام  
على سرير لوحدى على بعد خمسة آلاف كيلو من السيدة  
زيب .. اما اسجل اللحظة التاريخية دى .

( يترك السرير ويتجه الى المائدة الصغيرة  
يتناول نوته وقلما ويكتب بصوت عال )

سعيد : لندن فى ٥ يوليو ١٩٧٢ .. اجرت انا وعصمت شقة  
جديدة بمشرين جنبها فى الاسبوع .. ودفعتنا شهر  
مقدما .. اجراها غالى .. ولكنها مريحة وجميلة .. لن  
نسمح لاحد بزيارتنا فيها .. انها المرة الاولى فى حياتى  
التي انام فيها على سرير بمفردى .. ( يتوقف لحظة )  
الحملة دى عاوزة شوية دقة .. انها المرة الاولى فى  
حياتى التي ( يضغط على حروف الكلمة ) .. س و ف  
.. انام فيها على سرير بمفردى .. ولن اسمح مطلقا ..

( جرس الباب ، يترك القلم وينظر بدهشة  
لباب الشقة ، يخطو ناحية الباب فى توحس  
يفتح الباب ، يظهر فى فتحة الباب شاب  
يحمل حقيبة صغيرة ، ذقنه لم تحلق منذ  
ايام ، بقلته مهشمة كما لو كان ينام بها منذ  
ذويلة .. سعيد يحدث فيه لحظة فى  
بدره )

سعيد : May I help you Sir ?

الشاب : Does he, .. Isthis .. Isit?

( يباس من استطاعته الكلام بالانجليزية )

الشاب : حضرتك مصرى ؟

سعيد : No.

الشاب : حضرتك بتعرف عربى ؟

سعيد : Little.

الشاب : دى شقة الاسناذ عصمت ؟

سعيد : Yes.

الشاب : هو موجود دلوقت ؟

سعيد : No.

الشاب : امال فين ؟

سعيد : سافر .. راح برونجهام ..

الشاب : حايفيب كتر ؟

سعيد : حوالى اسبوع .

الشاب : استناه بقى وامرى لله .. اصلى جايب له معايا حاجه  
مهمة .. وخايف تضيع منى .

( يقول جملة وهو يدخل الشقة بهدوء ،  
سعيد لا يجد لديه الجراة لئنه .. الشاب  
يدخل مباشرة لفرقة النوم .. ينظر للسرير  
مبتسما بارتياح .. قبل ان يجلس على  
السرير ، يصرخ فيه سعيد بوحشية )

سعيد : ابعده عن السرير .

( الشاب ينظر له فزعا ، سعيد يتصنع  
الرفقة )

سعيد : اتفضل في الصالون يا عزيزي .. عندنا اودة صالون .

( الشاب يجز قدميه لفرقة الصالون .

ويجلس متهاككا على المقعد ويعد ساقيه امامه  
في استرخاء وبعد ان وضع الحقيبة بجواره )

الشاب : اسمى عبده الطابري ...

( سعيد ينظر له مليا ولا يجيب )

الشاب : اهلا وسهلا

سعيد : اهلا وسهلا ..

عبده : واضح ان حضرتك مصرى .

سعيد : ايوه ..

عبده : امال انكرت ليه في الاول ؟

سعيد : هو اى حد اقول له انا مصرى .. طب افرض واحد

صهيوني .. انت ناسي اننا في بلد اجنبي .. وفي حالة

حرب كمان .. وصلت من مصر امتي ؟

عبده : من اربعة ايام .

سعيد : ونازل فين ؟

عبده : في الشوارع .

سعيد : بتنام في الشوارع ؟

عبده : ما بنامش .. ما نمتش .. ( يتشابب بشدة ) ما نمتش

من ساعة ما نزلت من الطيرة ؟

سعيد : اسمع .. احنا هنا في لندن بقي لنا سنتين .. وشغنا  
المر قبل ما نستقر .. الحياة هنا مش زى مصر .. هنا  
مغيش دلح .. هنا حرب .. هنا مغيش صاحب ولا  
صديق .. ابوك نفسه ما ينفكش .. لازم تعتمد على  
نفسك .. تنام في محطة المترو ، تنام على الرصيف ..  
طول النهار ، وطول الليل تدور على شغل .. ولما تلاقي  
شغل ، تاجر اودة ، وتبتدى تستقر .

عبده : ( يتكلم بصعوبة من شدة الاجهاد ) .. حاضر هو ..  
هو ده .. اللي حامله

سعيد : مغيش حد هنا يساعد حد .. ولو رححت لاي صديق  
.. ما تقعدش اكثر من دقيقتين ، وتقوم تناضل .. انا  
لو منك .. اغل وشي بسرعة .. وانزل اناضل .

( تميل رأس عبده على صدره ، ويرتفع  
شخيره لقد نام تماما على كرسيه )

سعيد : اصحى .. عبده .. عبده .. ( يلكزه في كتفه ) ..  
اصحى يا عبده .

( يفتح عبده عينيه بصعوبة )

عبده : هه .. هه ..

سعيد : اصحى .

عبده : انا صاحى .. بس الظاهر سرحت شويه .

سعيد : انت هنا مش في مصر .. لما يكون حد بيكلمك ، لازم  
تحترم كلامه ، وتسمعه كويس .. ما تنامش .

عبده : لامواخذه .. اصلى تعبان قوى .. بس انا سامعك  
كويس .

سعيد : طب كنت باقول ايه ؟

عبيده : كنت يقول ، تصحى الصبح تغسل وشك بسرعة .  
سعيد : انا ماقلتش الصبح يا عبده .. انا قلت تغسل وشك  
بسرعة .. وتنزل تناضل دلوقت ..

عبيده : ( يقاوم النوم بشدة ) ... جت في ودنى الصبح .

سعيد : اوعى تتصور انى عاوز اتخلص منك .

عبيده : اعوذ بالله .

سعيد : انا يا قول لك كده عثمان مصلحك .. اسمع يا عبده ..  
فوق كده واسمعتنى ...

عبيده : اتفضل .

( يبذل مجهودا عنيقا لكي يظل في حالة نظظة )

سعيد : بصفتى قديم في لندن ، عاوز اوعيك .. الضعيف هنا  
يموت .. وماحدش يستحمل حد .. وعصمت اللي

انت جايله ده شخص شرير جدا .. ابن خالته جه من  
مصر وحب ينام عنده ليلة واحدة .. رماه من الشباك ،

فانت تسبب الحاجة اللي انت جايهاله وتغسل وشك  
وتنزل دلوقتى .. تناضل ... انت جابب له معاك ايه؟

( عبده يخرج من جيبه خطابا يعطيه له )

سعيد : خلاص .. انا حاسلمه له .. انا عاوزك بقى ما تضعفتش  
.. انزل وواجه العالم ( بشجعه بحماس ) .. واقتحمه

... انا عاوزك تورى للانجليز ، ان الشاب المصرى  
بعشرين شاب انجليزى .. ( يزداد حماسا ) .. بالله

يا يظل .

( يرتفع شخيره ، لقد نام بالرغم من عينيه

المفتوحتين ) .

سعيد : يانهار اسود .. نايم وعنيه مفتوحة .. ده مش تعبان  
... ده ميت .. عبده .. عبده .. طب قوم نام ..  
قوم نام هنا ..

( يساعده على النهوض بصعوبة ويقناده لركن

القرفة ، يتمدد عبده على الأرض كالقتيل ) .

سعيد : ودينى مانافاعد لك يا عصمت .. عثمان تبقى تبعت  
العنوان لكل من هب ودب .

( يجلس على المقعد وهو يتحدث في جسم

عبده الممدد على الأرض ، يدخل عصمت وهو

يحمل عدة اكياس . يدخل بها مباشرة على

المطبخ ) .

عصمت : الراجل البقال اللي على الناصية طلع باكستانى .. عنده  
طرشى وجينة بيضة . وزيتون اسود .

( يقترب بهدوء من سعيد ، يكتشف وجود

عبده الفطيارى .. سعيد يعد له يده صامتا

بالخطاب يفتحه بسرعة ويقرا ) .

سعيد : اول النيث قطرة .

( ينظر له طويلا بغيظ )

عصمت : بتبص لى كده ليه ؟ انا اللي دخلته الشقه ؟

سعيد : عرف العنوان منين ؟

عصمت : من امى .

سعيد : ايه ده ؟ مين ده ؟

عصمت : ( يلقي نظرة سريعة على الخطاب ) .. اسمه عبده

الفطيارى .

سعيد : عارف ان اسمه عبده الفطيارى .. بس مين هو ..

قريبك ؟

عصمت : ده ابن الفطاري أفندي رئيس قسم الملفات في وزارة الصناعة .. الفطاري أفندي متجوز بنت خال الأستاذ عبد الحليم الدفدي .. عبد الحليم الدفدي متجوز بنت عمي .

• سعيد ينهض ليعد حقيته مرة أخرى ( )

عصمت : سعيد أنا آسف جدا .. الظاهر مش حانعرف نواصل مع بعض .. أنا حادور لي على أودة أعيش فيها لوحدي .  
عصمت : ما تعقدش الموقف .. أنا عن نفسي ما اعرفوش .. وما يهنيش في حاجة .. تحب أشيله وارميه في الشارع .. مستعد عملها .. كان المفروض تفهمه اتنا ما بنستقبل ضيوف في شقتنا ..

سعيد : خلاص .. صحبه وقل له الكلام ده .

عصمت : مفيش داعي للقوة الشديدة دي .. الصبح انشاء الله يصحى ، يفطر ويشرب الشاي ، وتقول له الكلام ده .. ماتمكنش نفسك .. روق .. اعتبره مش موجود .. روق بقى يا حسان .. مفيش داعي تعكن نفسك بحاجة صغرة زي دي .. احنا عاوزين نحتفل بالشقة .. حانعمل عشا فاخر .. ونفرق كام عللة بيرة .. ونسمع مزيقة .

سعيد : يعني دي اول وآخر ليلة نيام فيها هنا ..؟

عصمت : طبعاً ..

سعيد : لما أشوف الصبح .. خلاص .. اجهد بالعشا .. وأنا حادخل آخذ حمام سخن .

( عصمت يدخل المطبخ بينما يختفي سعيد

داخل الحمام ، جرس الباب .. عصمت

يخرج من المطبخ ليفتح .. شباب في حوالى

السابعة عشر ومعها حقيية ) .

الشاب : الأستاذ عصمت ؟

عصمت : أبوه .

الشاب : اتا جاي لك من طرف الأستاذ يوسف حنفي .

عصمت : اهلا وسهلا . اتفضل .

• ( الشاب يدخل الشقة مبتسما في سعادة ) .

الشاب : اتا سمر .. سمر عبد العزيز .. الأستاذ يوسف حنفي بيتي خالي .

عصمت : اهلا وسهلا .. تاخذ كباية بيرة ؟

الشاب : لا ماعلش .. اتاعمرى ماشربتها في حياتي .. اكون شاكر قوي لو عملت لي شاي .

عصمت : شاي ؟

سمر : ( بخرج ) بعد اذنك اقوم اقوم اعمله بنفسي .

عصمت : الشاي هنا مايتعملش .. شوية مائة سخنة من الحنفية وينحط فيها كيس شاي .

( عصمت يدخل المطبخ ، الشخص النائم

يستريح انتباه سمر ) .

سمر : زميلك نايم على الارض ليه ؟

عصمت : اصله متعقد من البراير .

( الحوار التالي يدور بينهما بينما سمر يفتح

حقيته ببساطة ويخلع ملابسه ويبدا في ارتداء

بيجامته بطريقة عفوية تماما وكأنه في غرفته

الخاصة ) .

عصمت : ويوسف اخباره ايه .. ؟ .. خالص لي الاجازة ؟

سمر : اجازتك الاولانية خلصت .. وحضرتك بتت تمدها سنة

كمان .

**عصمت :** ده ابن الفطاري افندي رئيس قسم الملفات في وزارة الصناعة .. الفطاري افندي متجاوز بنت خال الاستاذ عبد الحليم الدفیدی .. عبد الحليم الدفیدی متجوز بنت عمی .

**سعید :** ( سعيد ينهض ليعد حقيبته مرة اخرى )  
**عصمت :** عصمت انا آسف جدا .. الظاهر مش حاتمرف نواصل مع بعض .. انا حادور لى على اودة اعيش فيها لوحدى .  
**عصمت :** ما تعقدش الموقف .. انا عن نفسى ما اعروض .. وما يهتمش في حاجة .. تحب أشيله وارميه في الشارع .. مستعد اعملها .. كان المفروض تفهمه اتنا ما بنستقبلش ضيوف في شقتنا ..  
**سعید :** خلاص .. صحيه وقل له الكلام ده .

**عصمت :** مفيش داعى للقوة الشديدة دى .. الصبح انشاء الله يصحى ، يفطر ويشرب الشاي ، ونقول له الكلام ده .. ماتمكنش نفسك .. روق .. اعتبره مش موجود .. روق بقى باحصان .. مفيش داعى تمكثن نفسك بحاجة صغرة زى دى .. احنا عاوزين نحتفل بالشقة .. حانعمل عشا فاخر .. ونفرقع كام علة بيرة .. ونسمع مزيقة .

**سعید :** يعنى دى اول وآخر ليلة بنام فيها هنا ..؟  
**عصمت :** طبعاً ..  
**سعید :** لما أشوف الصبح .. خلاص .. اجهر بالعشا .. وانا حادخل آخذ حمام سخن .

**عصمت يدخل المطبخ بينما يختفي سعيد داخل الحمام ، جرس الباب .. عصمت يخرج من المطبخ ليفتح .. شاب في حوالى السابعة عشر ومعه حقيبة ) .**

**الشاب :** الاستاذ عصمت ؟

**عصمت :** ايوه .

**الشاب :** انا جاي لك من طرف الاستاذ يوسف حنفى .

**عصمت :** اهلا وسهلا . اتفضل .

**( الشاب يدخل الشقة مبتسما في سعادة )**

**الشاب :** انا سمير .. سمير عبد العزيز .. الاستاذ يوسف حنفى يبقى خالى .

**عصمت :** اهلا وسهلا .. تاخذ كباية بيرة ؟

**الشاب :** لا ماعلش .. انا عمري ماشربتها في حياتي .. اكون شاكر قوي لو عملت لى شاي .

**عصمت :** شاي ؟

**سمير :** ( يخرج ) بعد اذنك اقوم اقوم اعمله بنفسى .

**عصمت :** الشاي هنا مايتعملش .. شوية مابة سخنة من الحنفية وينحط فيها كيس شاي .

**( عصمت يدخل المطبخ ، الشخص النائم )**

**يستمرعى اتباه سمير ) .**

**سمير :** زميلك نايم على الأرض ليه ؟

**عصمت :** اصله متعقد من السرير .

**( الحوار التالي يدور بينهما بينما سمير يفتح حقيبته ببساطة ويخلع ملابسه ويبدأ في ارتداء بيجامته بطريقة عفوية تماما وكأته في غرفته الخاصة ) .**

**عصمت :** ويوسف اخباره ايه .. ؟ .. خلص لى الاجازة ؟  
**سمير :** اجازتك الاولانية خلصت .. وحضرتك بعث تمدا سنة كمان .

عصمت : أبوه سنة بدون مرتب ؟

سهم : مدير شئون العاملين لسه مزرجن فيها .

عصمت : بالرغم من البلور أبو عشرين استرليني .. حار ونار في جتته .

سهم : بس الأستاذ يوسف مطمئن انها حاتمى .. وبيقول لك اطمن ..

( عصمت باتى من المطبخ ومعه كوب الشاي )

فيلاحظ انه أخذ في ارتداء بيجامته ) .

عصمت : انت هنا بقالك قد ايه ؟

سهم : أنا وصلت من ساعة تقريبا .

عصمت : يعنى ماشفتلش ، ولا اجرش اودة ولا اى حاجة .

سهم : لا .. بس معايا عقد عمل .

( يمد يده بورقة ، ياخذها عصمت ) .

عصمت : ( تتباهى الدهشة للحظات ثم يتكلم بهدوء ) .. العنوان ده بعيد قوى عن هنا .. ده في هولندا ..

سهم : يانهار اسود .. هولندا .. ؟

عصمت : انت ماتعرفش انه في هولندا .. عاوز تفهمنى ايه .. قلت للكسارى هولندا فقطع لك لندن ؟

سهم : آه فهمت .. الواد اللي كان راكب معايا .. العقود بتاعتنا التخطط طب وانا ح اعمل ايه دلوقت ؟

عصمت : ولا حاجة .. الصبح تنصرف .. انت طالب فين ؟

سهم : تجارة الأزهر .. في سنة اولى .. ( يكاد يبكى ) وانا ح اعمل ايه دلوقت يا أستاذ عصمت ؟ انزل أروح هولندا أدور عليه .. ؟

عصمت : الدنيا ليل باسمير .. وهولندا زمانها قفلت .. حاتنزل تطلش في أوروبا في الضلعة ... ؟ .. النهار له عينين ؟

سهم : والعقد يا أستاذ عصمت ؟

عصمت : العقد مالوش اهمية . وبلاش أستاذ عصمت دى ؟

سهم : امال حاشتغل ازاي ؟

عصمت : الشغل هنا بالدراغ . مش بالعقود .. انت الليلة دى

تتمشى وتنام .. والصبح ربنا يفرجها .. أنا حاشوف

لك شغل .. واشوف لك اودة في لوكاندة .

سهم : انا انصيت في الطيارة .. مافيش داعى تتعب نفسك .

يا .. ( يتردد قليلا ) يا ابيه عصمت .. أنا ممكن أسكن

معاك هنا وادفع نصيبى في الايجار .. وما دام زميلك

متمقد من السراير .. أخذ أنا السرير الثانى ( في طريقه

لسرير سعيد ) ماخافش .. أنا مش مزعج .

عصمت : ( يقتصب ابتسامة وهو مزعج ) .. ده مش سرير اللي

نايم على الأرض .. ده سرير زميلى اللي بياخد حمام ..

وبيتمقد قوى من اى واحد ينام على سريره .

( سهم يتعمد عن سرير سعيد ثم ينظر الى

عبده النائم ) .

سهم : امال الأستاذ ده مش زميلك ؟

عصمت : لا .. ده واحد ماعرفوش .. ضيف ..

سهم : انجليزى ؟

عصمت : لا .. مصرى ..

سهم : خلاص .. انام جانبه للصبح .

( يعطى لعصمت خطابا ، عصمت يفض الخطاب ،

ثم يفرج بطانية خفيفة من الدولاب يعطيها

لسهم ) .



عصمت : الجو كويس .. البطانية دى كفاية .

( سمير يرقد بجوار عبده ويتغطى بالبطانية )

سمير : لو ماما ثكافتنى وانا نايم على الأرض كانت تلطم ..

( عصمت يقرأ الخطاب .. لحظة صمت ) .. استاذ .

عصمت .

عصمت : ما قلنا بلاش استاذ دى .

سمير : انتم بترقصوا مع البنات الانجليز ؟

عصمت : مع كده ..

سمير : سهلة يعنى ؟

عصمت : جدا ..

سمير : متشكر .. تصح على خير .

عصمت : وانت من اهلك ..

( يجلب على عبده جزءا من البطانية ثم يغطى

وجهه .. تمر لحظات .. يستيقظ سمير

مرة اخرى ويكشف عن وجهه النضار ) .

سمير : الواحد لما يحب يرقص مع واحدة .. يقول لها ايه ؟

عصمت : يقول لها تسمى لى ارقص معاكى .

سمير : ياه .. بس كده ؟

عصمت : بس كده .

سمير : على كده بقى الحياة هنا سهلة قوى ما فيهاش عقد .

عصمت : سهل قوى لحد ماترقص معاها .. العقد بيتتدى بعد

الرقص .

سمير : ازاي ؟

عصمت : هو انت ماوز تعرف كل حاجة فى نفس الليلة اللي بتوصل

فيها ؟

سمير : توعدنى انك تفهمنى الحياة هنا ماشيه ازاي .

عصمت : انت حاتفهم لوحدك .

سمير : متشكر قوى يا ابيه عصمت .. تصح على خير .

عصمت : وانت من اهلك يا حبيبي .

( صوت سعيد آتيا من الحمام ، يهمهم لحنا

خفيفا وهو ينغم كلماته ) .

سعيد : ياسلام على الاستقلال . مع الماية السخنة .. وبعد كده

ربنا برزقها .. واخذ شقة لوحدى .. واطرد الواد

عصمت . يروح ينام فى الشوارع . الحمام حلو قوى

ياوله يا عصمت .

عصمت : ( صائحا ) اتمتع ياسيدى .. حد قدك ..

( جرس الباب ) .

عصمت : ( وهو فى طريقه الى الباب ) .. الظاهر حاتقلب بضم

الليلة دى .

( يفتح الباب فيجد رجلا فى حوالى الخامسة

والاربعين من عمره ، يحمل حقيبة اوراق

صفيرة جدا .. هو محفوظ الكفراوى ) .

محفوظ : السلام عليكم .

عصمت : حضرتك معاك جواب للاستاذ عصمت ... مش كده ؟

محفوظ : لا ...

عصمت : جاي تسال عليه ؟

محفوظ : لا .. انا جاي اسأل على الاستاذ سعيد ابو الحمائل ..

مش ساكن هنا برضه ؟

عصمت : ( بحماس شديد ) اهلا وسهلا .. انفضل .. ايوه ..

ساكن هنا حضرتك قريه ؟

محفوظ : ( داخلا الشقة ) .. انا محفوظ الكفراوى ... مدرس انجيزى .. استاذ سعيد .. سعيد كان تلميذى .. كان تلميذى فى ابتدائى .

مصمت : اهلا وسهلا .

محفوظ : هيه .. وسعيد عامل ايه دلوقت ؟

مصمت : بيستحمى .

( سعيد يرتفع صوته بالفناء ) .

محفوظ : قصدى عامل ايه فى لندن .. مش يعرف انجيزى كويس دلوقت .؟ اوعى يكون مايعرفش .. والا حاملص ودانه .

مصمت : آهو ماشى .. شاي يا استاذ محفوظ ؟

محفوظ : ما عندكش كباية بيرة .. وجدا لو تعمل لى ساندوتش جينه .

مصمت : قوى . قوى . تحت امرك .

محفوظ : الله بخليك .

مصمت : دى حا تبتى مفاجاة الموسم لسعيد .

محفوظ : طبعا . هو لا يتصور انه حايشوفنى فى لندن .

مصمت : لا .. وفين .. فى ثقته .

( مصمت يعد له ساندوتشا بسرعة ) .

محفوظ : حايتنطط من الفرحة ..

مصمت : الا يتنطط .. هو ماشافكش من فترة طويلة ؟

محفوظ : حوالى اربعة وعشرين سنة دلوقت .

مصمت : يا قوة الله .

محفوظ : كان عنده ايامها حوالى سبع سنين .

مصمت : ( تستولى عليه نوبة ضحك ) .. يا سلام .. لكن برافوا عليك انك لسه بتتايمه من يومها .

محفوظ : انا هنا فى لندن بقالى سبع شهور .. كنت جاى احضر للماجستير .

مصمت : زينا كلنا .. كل المصريين اللي هنا كانوا جاينين يحضروا للماجستير والدكتوراه .. وبعدين ..

محفوظ : حصل لى لخطة فى جامعة اكسفورد ، واضطريت اشتغل فى ال B.O.A.C. شركة الطيران البريطانية عبر البحار .

مصمت : هو حضرتك ليك خبرة فى الطيران ؟

محفوظ : والله انا خبرتى فى الطيران مش كبيرة قوى .. يعنى يادوب هم الخمس ساعات اللي ركبتهم من مصر لهند .

مصمت : وهم دول شوية ياراجل . خمس ساعات مش قليلين .. الحقيقة الناس هنا بتحترم الخيرة انشا الله تكون سامة واحدة .

محفوظ : بس انا ما اشتغلش فى الطيران نفسه .. انا اشتغلت فى ال Transportation Section

مصمت : اللي هو قسم الشحن .

محفوظ : عليك نور .. الاول اشتغلت Assistant proter وبعدين انزقت Porter .

مصمت : ماتقول شيال يا استاذ محفوظ .. مش هي شيال برضه ..؟ والا يعنى لما تقولها بالانجيزى حايتبى حاجة تانيه .

محفوظ : ( يحزن .. ولكن فى حزنه قدر من الزيف ) فعلا .. انا خدمت نفسى فترة طويلة .. لكن لما كتفى الخلع ..

عرفت اتي باشتغل شيال .. انا .. معلم الاجيال ..  
باشتغل شيال .

عصمت : الشغل مش عيب يا استاذ محفوظ .. لم الشيال هنا  
يفرق كثير عن الشيال في مصر .. على الاقل هنا بتقبض  
بالعملة الصعبة .. وكفك اتخلع ازاي ؟ شلت حاجة  
ثقيلة .؟

محفوظ : ابدا .. هاندباج .. هاندباج كبيرة . الظاهر بتاعة  
تاجر شنطة .. اتضح ان فيها موتور عربية .

عصمت : موتور عربية .. ده مغترى قوى .

محفوظ : اى والله .. موتور عربية فوكسهول صغيرة .. سبت  
الشركة وقعدت اتنقل من مطعم مطعم .. زى ما تقول  
كده قعدت تتخاطفنى المطاعم .. مغيش حاجة بتستخبي ؟  
مطاعم لندن كلها عرفت اتي احسن واحد بفسل أطباق  
فقط في الأوروبية المشتركة .

عصمت : برافو ..

محفوظ : بس للأسف انا حاليا خالى شغل من اسبوعين .. سبتنا  
الشغل على اثر اشاعة سرت في انجلترا ، اتي باكر نص  
الاطباق اللي بافسلها .

عصمت : شىء محزن . وساكن نين يا استاذ محفوظ ؟

محفوظ : والله انا كنت ساكن .

عصمت : ( يقاطعه وقد فوجيء ) .. كنت ساكن ؟

محفوظ : ايوه في الملحق بتاع الهوايت هاوس .

عصمت : الاوتيل اللي ورائنا ده ؟

محفوظ : ايوا .. كنت ساكن مع مجموعة اولاد شبيحة .. طول  
الليل جايين منقذ وحجارة .. وشوية بوس ..

وبطرمان .. وحاجات بتولع .. وحاجات بتطفى ..  
وحاجات بتهوى .. انا ما عرفش بيعملوا ايه بالضبط انا  
باشتغل طول النهار وباجي بالليل مهدود .. لكن طول  
ما انا نايم بالليل باسمعهم يقولوا لبعض ، مساء الخير ..  
مساء الخير .. مساء الجمال .. مساء العندليب ..  
وفي ليلسة صحيت لقيت الملحق كله والى .. يادوب  
خرجت بالجلابية اللي على .. حتى الباسبور يتسلى  
ولع .

عصمت : شىء محزن .

محفوظ : انا عارف من فترة ان سعيد تلميذى .. فيه ولد من  
البلد قابلنى وكلمنى عنه .. وسمعت انه حياخد الشقة  
دى من النهارده ، فقلت آجى اسلم عليه .

عصمت : يا هلا .. ده انت تشرف .. ده حايفرح جدا .

محفوظ : ( بهرح ) تيجى نعمل له مفاجأة ؟

عصمت : ( يجاريه ) .. بالله ..

محفوظ : هوه سريره نين ..؟

عصمت : اهو ..

( يخلع ملابسسه بسرعة البرق ويخرج من

حقيبة الأوراق الجلدية جليبا يرتديه ) .

محفوظ : حنام على سريره وانطفى .. واشوف حايعرفنى والا  
لا .

عصمت : فكرة .. بس عارف ان المفاجأة دى ممكن تقضى عليه .

محفوظ : ليه ؟

عصمت : اصل الصدمة المفجرة ساعات بيبقى تاثيرها زى الكارثة

بالظبط .. بس نام انت .. انا حا اعمل له تمهيد .

( ينأم على السرير ويتطفى ) .

سعيد : ( مثنيا من الحمام ) .. وأنا م على سريري لوحدي ..  
واتمطع .. واتقلب واهيص .

( صوت غطيط الأستاذ محفوظ الذى استغرق  
فى النوم تماما ) .

( عصمت ينقل بصره بين الحمام وسرير سعيد  
الذى يحتله محفوظ ، يجلس على مقعد ويمسك  
الباب ويحشوه ، يضغط على جهاز راديو  
فتنبعث الموسيقى ، جرس الباب ، يفتح  
الباب ، شاب آخر يحمل حقيبة ، ولا تكاد  
ساقاه تقويان على حمله يشنبر له بالدخول  
مرحبا ، الشاب يخرج خطابا يعطيه له ،  
عصمت يشمر له بان ينام بجوار الآخرين ،  
الشاب يشكره بانهاء خفيفة من راسه . ثم  
يضع ملايسه ويرتدى البيجاما و ينام ، جرس  
الباب مرة اخرى ، شاب يحمل حقيبة ويديه  
خطاب ، عصمت يتناوله منه ويشنبر له  
بالدخول ، عصمت يذهب للباب ليقلقه، يتردد  
لحظة ثم يتركه مفتوحا ، لا يقطع دخول الشبان  
حاملى الحقائق ، كل منهم يعطى لعصمت  
خطابا ، اكبر عدد يمكن تصوره من الشباب ،  
اكبر عدد تستطيع خشبة المسرح ان تتحملة  
الارض تمثليء تماما باجسام النائمين ..  
عصمت يقف منظما حركة المرور والنوم ..  
عصمت يزحف بمقعده ومعه جهاز الراديو  
والباب بعيدا عنهم الى ان يجد مكانا بجوار  
الباب المتوح .. يدخل بهدوء وهو يستمع  
للموسيقى باندماج . طول المشهد ياتى لنسا

صوت سعيد مثنيا فى الحمام ، انه يقنى للشقة  
الجميلة وللحرية ، ولا زال يؤكد فى كلماته  
المنغمة على صوت الدش انه لن يسمح لاي  
ضيف بدخول الشقة . شاب يقف فى فتحة  
الباب ومعه حقيبة ويضرب الجرس ) .

عصمت : ( بفضبا ) بتضرب الجرس ليه ؟ الباب مش مفتوح  
قدامك ؟

الشباب : آسف .

عصمت : عاوز مين ؟ عصمت والا سعيد ؟

الشباب : انا عاوز ابراهيم .

عصمت : ابراهيم مين ؟

الشباب : ابراهيم عبد الجليل .

عصمت : مافيش حد ساكن هنا اسمه ابراهيم عبد الجليل .

الشباب : هو مش ساكن هنا .. هو طلع هنا .

عصمت : شكله ايه ؟

الشباب : شكله تعبان قوى ، وكابس عليه النوم .. ومعاه شنطة  
.. وماسك جواب .

عصمت : كل اللي جوه شكلهم كده .

الشباب : تسمح لى التى نظرة .

عصمت : النور مش كفاية جوه . ولو ولعت النور وقعدت قلب  
قيهم . كلهم حايصحوا .

الشباب : ( يظهر بطارية صغيرة ) .. ماتخافش .. انا معايا  
بطارية .

عصمت : وأنا اعرفك متين .. اضمنك ازاي .. ؟ الناس اللي جوه  
فى مهديتى مسئولين منى .

الشاب : حاسيب رهن .. حاسيب الباسور بتاعى .  
عصمت : اتفضل .

( الشاب يعطيه الباسور ثم يخلع حذاءه ،  
يخوض في اجسام النائمين وهو يلقي بضوء  
البطارية على وجوههم .. فجأة يستولي  
عليه الاوتياح وترسم على وجهه ابتسامة  
عريضة . يخلع جاكته ) .

الشاب : اهو .

عصمت : لقيته ؟

الشاب : لا .. بس لقيت عبده .

عصمت : عبده مين ؟

الشاب : واحد تانى اعرفه .. عبده الفطارى .. ( يزيح بعض  
النائمين لكي يفسح له مكانا ) .. حارح شوية جنبه لحد  
مايصحى .. بعد اذنك ..

عصمت : اتفضل ياعزيزى .

الشاب : اسمى في الباسور عندك .. احمد زغلول .. والا تحب  
اصحيه دلوقت لو صحيته حانتخاق ونصحى الشارع  
.. اصله عليه ليه فلوس .

عصمت : وعلى ايه ياعزيزى .. الصباح رياح .

الشاب : تصبح على خير .

عصمت : حاضر .

( احمد ينام على الفور ) .

عصمت : ( ينهض محدثا نفسه ) ما اعتقدش فيه طيارات جاية  
تانى من مصر الليلة دى والمترو شطب . تقفل الباب .

( يرتب مظاريف الخطابات ثم يضع كل خطاب  
فوق احد النائمين .. كما لو كانت بطاقة  
للتعريف بشخصيته ) .

عصمت : ( وهو يضع الخطابات ) عبده . سمير محمد . مصطفى .  
سيد . فاروق . على . لطفى . هشام . عمرو .

( سعيد يخرج من الحمام ملتفا في بشكير  
كبير ، يقنى في حالة مزاجية رائقة ، يقف  
لحظة لا يكاد يصدق عينيه ، يعود للحمام مرة  
اخرى مسرعا ) .

عصمت : ( يناديه ) .. تعالى يا سعيد ، هي دى شقتنا ؟

( سعيد يخرج مرة اخرى من الحمام ) .

سعيد : مش معقول ، مستحيل .. انا تصورت ان الحمام  
بيطلع على شقة تانية ايه اللي حصل ؟

عصمت : مش حاتصدق .

سعيد : لا .. حاصدق .. حصل حرب ؟ انجلترا اعلنت الحرب  
طينا فهجروا المصريين على شقتنا ؟

عصمت : لا ..

سعيد : احنا اعلنا الحرب على انجلترا . ؟ .. ودول فدايين  
جاين في الاول ومش لاقين حته يناموا فيها الا شقتنا ؟

عصمت : فعلا .

سعيد : فعلا .

عصمت : تقريبا .. وصول المصريين لهننا .. يعتبر عملية غزو  
لانجلترا .

سعيد : نعم ؟ انا مش حاشترك في الغزو ده .. انا خاين ..  
حاحارب مع انجلترا .. ( يصيح في النائمين ) انت  
ياخويا انت وهو .

**عصمت :** المسائل ماتخاذش كده ياسعيد . دى بداية الموسم . كل واحد جايب جواب من صديق او قريب .. كل واحد فوقه الجواب بتاعه . تقدر تتسلى وتقرأ .. حاتكتشف ان كان لازم ارحب بكل واحد فيهم .

**( لم يلاحظ سعيد بعد أن هناك من ينام على سريره ) .**

**سعيد :** ( **ينفجر فيه** ) .. مش ممكن حاتنفر .. حاتفضل عصمت على طول .. عصمت النبيل .. عصمت الكبير .. اللي بيفتح صدره لكل الناس .. عمدة لندن .. هو انا مش عارفك .. حاتمهم وتلفهم .. وتشظلمهم وفى الآخر خالص ، ماتخاذش منهم كلمة شكر .. انت متصور نفسك مين .. متصور نفسك ايه ؟ مسئول عن المصريين اللي هنا ؟ سفير مصر فى لندن .؟

**عصمت :** انا باعتبار نفسى سفير قطاع خاص .  
**سعيد :** طب وانا مالى يا اخى ، انا مالى تعمل لى الشقة مليجا للمشردين .

**عصمت :** احنا كمان يا سعيد كنا مشردين فى يوم من الايام .. ونمنا فى الشوارع وفى الجنائين ومحطات المترو .. وقمنا ايام وليالى مامعناش بنس واحد ..

**سعيد :** وما حدش فى كل المصريين اللي قابلونا ساعدنا .  
**عصمت :** عشان كده لازم نساعدهم .

**سعيد :** بيحصل ايه بعد مايتساعدهم . اول حاجة بيعملوها اول مايبعتقروا ... بيعضوا ايدك .

**عصمت :** مش مهم . ما دام مايحسش بالعضة .. يا سعيد فيه اعتبارات لازم نحترمها .

**سعيد :** زى ايه ؟  
**عصمت :** افرض مثلا جالك واحد من اساتذتك فى الدراسة .

تقدر تقول له مع السلامة ؟

**سعيد :** اقول له واقول لهيئة التدريس بحالها .  
**عصمت :** ( **مشيرا لمحفوظ النائم** ) ... انفضل . قل له .

**سعيد :** ايه ده ؟ مين ده ؟  
**عصمت :** مفاجأة .. الاستاذ محفوظ الكفراوى .

**سعيد :** مفيش حد درس لى اسمه محفوظ الكفراوى .  
**عصمت :** كان بيدرس لك انجليزى فى ابتدائى .

**سعيد :** ( **بتذكر بصموية** ) .. محفوظ الكفراوى .. محفوظ الكفراوى .. ( **بتذكر فجأة** ) **وقد بدت تتسابه ثورة غاضبة** ) .

... : ده ماكانش بيدرس لى .. ده كان بيضربنى فى ابتدائى .. كان يدخل الحصه ينزل فى ضرب لحد الجرس ما يضرب .. امال انا مش عارف اتعلم انجليزى ليه .. هو اللي عقدنى من الانجليزى .

**( يسرع لمحفوظ ويكشف عن وجهه ) .**

**سعيد :** ايوه هوه .. هو بوشه العكر .. وليه عين ينام على سريرى ( **يتلفت حواليه** ) مفيش هنا خزانة ؟

**عصمت :** اعقل ياسعيد .  
**سعيد :** ( **بهياج شديد** ) .. مش حاعتل .. ماحدثش ينام على سريرى .. مش لما يكون استاذى .. لما يكون وزير التربية والتعليم .. محفوظ .. محفوظ .. محفوظ انت يا محفوظ

**عصمت :** مفيش داعى تصحى الشارع كله .. اهدا .. مش حايصحى .. واضح انه مانامش من جمعة .. انت مش عاوز تنام على سرير .. خد سريرى انا حنام على الارض

**سعيد :** ياسلام على النبالة . ياسلام على الكرم .. لا ياسيدى .. انا كمان عندى اخلاق .. وماقدرش ابنى سعادتى

على انقاص سعادة واحد تانى ( يقترِب من محفوظ  
ويمسك بكتفه ) .. شيل قدامى .

عصمت : دماغه تتخط في حديد السرير . يجيله ارتجاج في المخ  
نروح في داية .

سعيد : شيل قدامى .

عصمت : حاشيله نوديه فين ؟

سعيد : حازميه في الشارع ( يلقي نظرة سريعة عبر النافذة )  
الشارع فاضى خالص .. لو انا حر التصرف كنت رميته  
من الشباك .. لكن طبعاً حضرتك مش حاتوافق ..  
ولذلك حانزل بيه السلم ونحطه على الرصيف ..

عصمت : دى وحشية ياسعيد .. سلوك غير متحضر .

سعيد : انت مالك انت .. هو ضيفك والاضيفى ؟ .. ده تيمى  
وأنا حر فيه الدنيا صيف .. والجو مش برد .. عشان  
يتعلم يستأذن قبل ما ياخذ سراير الناس .

عصمت : شيل قدامى .. حاشوف له حته على الأرض .

( يتعاونان على حمل محفوظ ويضعانه على

الأرض ، سعيد يقفز من فوره على السرير ) .

سعيد : لو الوقت مش متأخر ، كنت خدت هدومى ونزلت ..  
لكن الصبح انشاء الله .. مش حاشوف وشى .

عصمت : الصبح انشاء الله كله حايمنى .. ثم انت زعلان ليه  
ياأخى .. مانت نايم على سريرك لوحدك . أهو .

سعيد : ميت واحد في الشقة . وطبعاً حايمنز فوا طول الليل ..  
مش سامع السيغفونية ؟ .

عصمت : ( وهو يرتدى بيجامته ) انت حاتنام جمان .. مش اتفقنا  
نعمل عشا مفتخر ونحتفل بالشقة .

سعيد : نحتفل بالشقة .! . احتفل انت لوحدك ... أنا نفسى  
انسدت ..

عصمت : ( يسحب الفطاء فوقه ) ... احلام هادئة ... وتصبح  
على خير يا صديقى .

سعيد : لا باشيخ .

( عصمت يمسح على مفتاح التور بجوار  
السرير فتختفى الاضاءة ، لبة سهارى صفرة  
تفنى الشقة الآن ، اضاءة خافتة ، نسجم  
جرس الباب .. عصمت يكشف عن وجهه  
الفطاء ويمتل في سريره ) .

سعيد : نام .. نام .. ماتالس فيه ؟

( الجرس يضرب مرة أخرى في الحاح ..  
سعيد ينهض في عصبية ويفىء الشقة ) .

سعيد : أنا حاعلمك تصرف ازاي .. حاوريلك البجاجة على  
اصولها .. ( يقفز ناحية الباب وهو يصيح بصفاقة ) ..

نعم ياخويا ؟ عاوز مين ياسيدى ؟ مفيش حد هنا ..  
انفضل مع السلامة .. ( يكتشف ان الذى يقف امامه  
فتاة جميلة ، تضطرب وقد فوجئت بطريقة استقباله  
لها .. يتلثم ) .. آسف يافندم .. آسف جدا ،  
لامؤاخذه اصلى افنكرتك واحد زميلنا دايماً يهزر معانا  
.. اتفضلى يافندم .. اتفضلى .. اهلا وسهلا ..

الفتاة : انا امال .. امال حسين .. الاستاذ عصمت موجود ؟

سعيد : ايوه يافندم .. يا عصمت ؟

( امال تدخل الشقة ، عصمت ينهض  
لاستقبالها ) .

سعید : اهلا وسهلا .  
**( تضع حقيبتها على الأرض وتجلس على السرير . سرير سعید ، ثم تخلع حذاءها ) .**  
**ماجده :** لامؤاخذة .. انا تعبانة قوى .. مانمناش من يومين ..  
 قعدنا عشرين ساعة في المطار .  
**آمال :** لخبطة في مواعيد الطيران .  
**ماجده :** مين فيكم عصمت ؟  
 عصمت : انا .  
**ماجده :** ( للفتت لسعيد ) .. وحضرتك ؟  
 سعيد : سعيد .. سعيد ابو الحمايل .  
**ماجده :** حمايل .. ؟ .. حلوه فوى الحمايل دى .. ( فجأة )  
 انا جمانه .. حبيت بالجوع فجأة .. والنبي ياسعيد  
 تقلى لى اربع بيضات . وباريت يكون فيه بسطرمة ..  
**( تلتفت لهم )** اظن مافيش هنا بسطرمة ( تنظر لسعيد  
**المشده )** ... والا افولك .. حضر لنا اى عشا .  
 الموجود .  
**سعید :** حضرتك في كلية ايه ؟  
**ماجده :** انا اتخرجت .. بكالوريوس تجارة ادارة اعمال .  
**سعید :** طبعا جاية تشتغلى مديرة بنك لندن .  
**ماجده :** ( جادة تماما ) مش لازم بنك لندن .. اى بنسك ممكن  
 اديره .  
**سعید :** بعجبني فيك التواضع .  
**ماجده :** مرسى قوى .. والنبي اذا كنت حاتمعل سلاطة .  
**سعید :** (مقاطعا) طبعا فهوكى في المطار وانتي جاية انك حاتلاقي  
 واحد اسمه سعید .. تقعدى على سريره ويحضر لك

عصمت : اهلا يافندم .. انا عصمت .. وذه زميلي سعيد .  
**سعید :** ( يشير لسيره مبتسما ) ... وده سريرى .  
**آمال :** ( تضع حاجياتها على سرير عصمت ) انا معايا جواب  
 لحضرتك من الاسناد رستم النشوقاتى .  
**( تجلس على السرير ) .**  
**سعید :** ( يهمس لنفسه جانبا ) ... الحمد لله .. قعدت على  
 سريره .  
**عصمت :** اهلا وسهلا .. اخيرا افكرنى .. اخباره ايه ؟  
**آمال :** كويس قوى .. بيسلم عليك .. انا آسفة حظيت شنطى  
 على سريرك .  
**عصمت :** ده سرير الضيوف .. انا عندى سرير في الاودة الثانية .  
**آمال :** ( يستلفت نظرها النائمين في غرفة الصالون ) ... ياه  
 .. ده انتم عندكم ناس كثير قوى .  
**عصمت :** لا ابدا .. اصلنا الصبح حاتمعل مظاهرة ضد الامبريالية  
 العالمية حاتمعل من حديقة هايدبارك ... قفلنا نتجمع  
 هنا من بالليل .  
**آمال :** ( وهى تهض متجهة للباب ) ... يا نهار ابيض .. كنت  
 حانى ماجدة .  
**( تفتح الباب وتنادى ) .**  
**آمال :** ماجده . ماجده . تعالى . اظلمى . لقيت الامتلاذ  
 عصمت موجود .  
**( سعيد يتبادل النظرات مع عصمت في تعاسة )**  
**ماجدة تدخل ) .**  
**ماجده :** مساء الخير .

العشا .. ويفعل لك هدمك .. وينصف لك الشقة .  
ماجده : لا .. ماحدش قال لي .. لكن لو كنت ناوى تعمل كده .

انا ماعتدبش مانع . والله ده يبقى كرم منك .  
سعيد : ( غاضبا ) انتى جاية تشغلينى باسنتى ؟

ماجده : ( تتخذ هى الأخرى ) .. تسميه شغل ؟ .. نحضر حنة  
جينة وتقلى خمس بيضات تسميه شغل .. امال  
الناس الللى يتهد الجبال وتشق الأنهار وتعمل المصانع  
تسميها ايه ؟

سعيد : ( يصرخ بأعلى ما فى صوته ) .. انا اصطحبت بوش مين  
النهارده ؟

( لحظات صمت تشمل الجميع ) .

ماجده : ( تقطع الصمت بهدوء شديد ) .. انا قلت حاجة غلط ؟  
انا آسفة لو كنت غلطت فى حق حد هنا .

آمال : استاذ سعيد .. ماجده بتهزر معاك . هى شخصيتها  
كده . تحب تدخل فى الناس على طول .

عصمت : انت فهمتها غلط يا سعيد . هي تكلمك بصدافة .

سعيد : انا كمان احب الناس تكلمنى بصدافة . لكن ماجش  
الناس تستغل الصداقة عشان تشغلنى خدام الوها .

ماجده : ( بتؤده ) دلوقت اتضح لى بوضوح شديد انك نغصد  
تهينى .. انا اتهنت يا عصمت .. انا اتهنت يا آمال ..  
اتهنت فى بلاد الفرنجة ..

( تقترب بوجهها من وجه سعيد تكاد تلتصق به ) الكلمة  
دى لو حد قالها لى فى ظروف تانية كنت دبتته .  
اتفضل قدامى يا استاذ على المطبخ نحضر العشا سوا ..

آمال : نحضره انا واثنت يا ماجده .

عصمت : اسمعوا يا جماعة .. دى اول ليلة لنا فى الشقة . وكنا  
حانحضر عشا مفتخر عشان نحتفل بالناسية دى .  
اعتبروا نفسكم ضيوفنا .. انا وسعيد الللى حانحضر  
العشا .

ماجده : مش حاتعرفوا ..

آمال : الشهادة لله .. ماجده طاهيه ماهرة .

ماجده : ( لسعيد الذى لا زالت تنظر له بعينه ) .. اتفضل  
معايا يا استاذ على المطبخ .

سعيد : ( يصرخ فيها ) .. مش داخل مطابخ ..

عصمت : خلاص يا جماعة .. مش عاوزين نغسد المناسبة الجميلة  
دى .. انا حاساعدك .

ماجده : لا .. انا عاوزه الأندى ده .. عاوزه اتواجد معاه فى  
مكان فيه آلات حادة .. سكاكين على شوك على مطاوى  
.. عشان يحرم يستعمل كلمة خدامين ابوها .

سعيد : ( يتنسم بالرغم منه ) .. انا آسف ..

ماجده : اتفضل قدامى .

( يدخلان المطبخ وعلى الفور يرتفع صياحه ) .

ص/سعيد : آى .. لا .. أرجوكى .. السلاح يطول .

عصمت : صدقنا دى ظريفة جدا .

آمال : بتتصرف على انها صديقة لكل الناس .. ويحصل لها  
متاعب كثير قوى نتيجة لكده .

عصمت : زميلتك فى الكلية ؟

آمال : أبوه ...

( عصمت بعد المائدة ) .

عصمت : الأستاذ رستم الشوقاتي يقرب لك ؟

آمال : لا .. بس بيشتغل مدير مكتب بابا .. بابا وكيل وزارة  
الصحة ... ووالدك .. ؟ ..

عصمت : والدى انا .. ؟

آمال : ايوه ..

عصمت : برضه وكيل في وزارة الداخلية . بس مش وكيل وزارة  
وكيل امباشى . اظن تفرق كثير .

آمال : لا ابدا .

عصمت : لا ابدا ازاي . دى تفرق مائة وثمانين جنيه على الاقل  
في الشهر .

( صوت سعيد من المطبخ ) .

ص/سعيد : اذا كان مضايك اطعمه بره .

ص/ماجده : ياريت تروق المطبخ عشان اتحرك بسهولة .

( سعيد خارجا من المطبخ حاملا احد النائمين )

يلقى به على الارض ثم يعود الى المطبخ ) .

آمال : طول عمره كان وكيل امباشى ؟

عصمت : لا .. طبعا .. بدا عسكري .. وحقيقى اترقى بسرعة

.. يعنى في ظرف خمسة وعشرين سنة بقى شاويش

.. وبعدين ساب الداخلية .. واشتغل مدنى .. كنت

انا لسه صغير .. لكن ماناش فرحة امي ، والجيران

والشارع . والبلد والمنطقة .. خلاص بقى حاسب

المسكوبة وبقى افندى . لا يطلع دوريات ، ولا يسهر

في القسم للصبح ، افندى يعنى ، عادى .. زى اى

موظف في الدولة . ياخذ رشاوى .. ويروح الساعة  
اثنين .. ولما يموت ياخذ معاش .. قصدى احنا اللي  
ناخده .

( سعيد يخرج من المطبخ وهو يحمل شخص

آخر .. يلقى به على الارض .. ثم يكلم

عصمت )

سعيد : كله الا البوتاجاز يا عصمت .. ما حدش ينام على  
البوتاجاز ..

( يختفى داخل المطبخ )

عصمت : ( يواصل ) .. عينوه درجة تاسعة .. ومات بعد ماخذ  
التامنة باسبوع طبعا الاسبوع ده نفطنا في المعاش .. انا  
واخواني خدنا تسعة صاغ زيادة كل واحد .

آمال : ماساه .. الله يرجمه كان ..

عصمت : كان حاجة واحده يا آنسة آمال .. كان صديقي

( سعيد يخرج حاملا احد النائمين من المطبخ )

آمال : الظاهر المطبخ عندكم واسع قوى .

عصمت : سبعين سنتى في ربع متر .

ص/سعيد : وسطى انقلم .. مش عارف اخرج الباقي ..

نسيبهم بقى نائمين للصبح .

( يخرج هو وماجده حاملين الاطباق ويبدان

في رصها )

عصمت : تسلم ايدىكى .

ماجده : مرسى قوى .

سعيد : حقيقى يا عصمت .. نفسها حلو قوى في المطبخ ..

طريقتها في تحضير العشا تغفر لها حاجات كثير قوى .

سعيد : ( بهدوء اليأس ) .. نام يا عصمت .. نام قبل ما آجي  
أديحك ...

عصمت : يا جدد روق .. ما تضايقتش نفسك .. الصبح حامشي  
لك العالده كله .

( يرتفع شخير كل النائمين جميعا .. يخذت  
الضوء .. تنزل .. )



— الستار —

( الأستاذ محفوظ يستيقظ وهو لا زال  
يقالب النعاس ، يجلس في مكانه ويمد يده  
ويشاركهم في الطعام ، بقية النائمين ، وبنعومة  
شديدة وبهدوء تام ، يقومون من نومهم ثم  
يحيطون بالأكل فيدمرونه في الحظاظ ..  
يعودون للنوم بنفس الهدوء .. لحظات  
صمت طويلة )

عصمت : الحمد لله .. انا عموما ما اجش اتقل قبل النوم .

ماجده : وانا كمان كلت لقمه في المطبخ .

آمال : كويس انهم اتعضوا .. عثمان يعرفوا يمشوا الصبح في  
المظاهرة .

سعيد : مظاهرة ايه ؟

آمال : مش عندكم الصبح مظاهرة ضد الاميرالية .. ؟

سعيد : آه .. آه .. تصبحوا على خير .

آمال : يا خير .. هو احنا حناخد سرايركم ؟

عصمت : ولا يهيك .. خدوا راحتكم .

ماجده : وانت حانتام ازاي يا سعيد ؟

سعيد : انا ما بنامش على السرير .. عندى تصلب في العمود

الفقري .. بنام وانا واقف .

( يأخذ غطاء ويترك غرفة النوم ، يستننا

نظيره للحائط ، يتغطى وينام واقفا ، عصمت

يفسح لنفسه مكانا وسط النائمين )

عصمت : ( يتبادل الحواز همسا مع سعيد ) .. ما تيجي جاني

يا سعيد .. فيه حتة فاضيه جنبى بتاع عشرين

سنتى ..

## الفصل الثاني

### المشهد الأول

( عندما تفتح الستار ، تكون الاضاءة خافته  
ولا زال الجميع نائمين ، ضوء النار يبدأ في  
التسرب من خلال النوافذ ، سمر يستيقظ  
ينهض ، يتأمل ما حوله ، ياخذ طريقه للحمام  
يسترعى انتباهه وجود الفتاتين النائمتين  
يحدث لحظات في آمال ، يتركها ويقف امام  
ماجده ، يتردد قليلا ثم يهزها برفق ..  
تستيقظ وهي تفرك عينيها وتتأهب ، تنظر  
له بدهشة )

سمر : good morning.

ماجده : ( ولم يفارقها النعاس بعد ) good morning Sir

سمر :

Would you please, would you please, dance with me

ماجده : Yes, with pleasure.

سمر : Thank you, when ?

ماجده : As you Like ... بس على الأقل تسنى لـ

اغسل وشي .

سمر : ( وقد هزته المفاجأة ) .. هو حضرتك مصرية ؟

ماجده : ايوه .. انا مصرية فوى .. مصرية بشدة .

فكرت فيه في مصر حايحصل . ما تستعجلش . وبلاش  
زيطه . غاوز انام .

( يغطي وجهه مرة اخرى . يبداون في  
الاستيقاظ . الحركة تدب في الجميسع ،  
ما عدا عصمت وسعيد .. طابور يقف امام  
الحمام ، بعضهم يدخل المطبخ البعض الآخر  
يفتح ريكوردات صغيرة ، ترتفع على الفور  
اصوات بعض الاغاني المصرية . تتناثر  
تطبيقاتهم )

... : فردة شراب حمرا .

... : الساعة بتاعتى يا حضرات .

... : وبتقلما من ايدك ليه ؟

... : اعمل لك ساندوتش جينة يا محسن ؟

... : فردة شراب حمرا .

... : ساعة مين دى ؟

... : ورينى .. مش بتاعتى .. يبقى فيه حد خد ساعتى  
وساب دى .

( طابور طويل امام باب الحمام . محفوظ  
يقف في اوله )

محفوظ : انت يابنى يالى جوه . شهل شويه .. ساعة في الحمام؟

... : فردة شراب حمرا .

محفوظ : انت يابنى يالى جوه .

... : احم .

محفوظ : هو ايه اللى احم .. شهل شويه .. المترو حايفوتنا .

سمير : انا آسف جدا .

ماجده : آسف جدا ليه .. انت مش عاوز ترقص ؟

سمير : ايوه .. بس اصلى افكرتك انجليزية .

ماجده : وحصل ايه لما طلعت مصرية .. ؟ .. مش حاصر ف

ارقصك يعنى ...

سمير : انا آسف جدا .. اصل يعنى .. قالولى في مصر ( يزداد

تلعثمه ) .. لما الواحد يرقص مع واحده انجليزية ..

ماجده : يحصل ايه ؟

سمير : يعنى .. بعدها ..

ماجده : آه .. فهمت .. انت مش عاوز ترقص .. انت عاوزا

حاجه تانيه .. آه يا وغد

سمير : ( بفرع ) .. لا والله .. لا والله العظيم .. انا آسف

جدا .

( يستيقظ عصمت ، يكشف الفطاء عن وجهه

ويصبح من مكانه )

عصمت : ايه يا سمير لا بتعك ايه عندك ؟

سمير : لا ابدا ..

ماجده : لا .. ما فيش حاجه يا عصمت .. ده عاوز يرقص

معايا .

عصمت : وبسدين ؟

ماجده : ابدا .. قلت له استنى لما اغسل وشى .

سعيد : ينام جالسا وقد تكور على نفسه . يرفع الفطاء عن

وجهه ) .. ايه يا اسيدانا على الصبح .. عاوزين ننام

.. ( لسمير ) ايه يا حبيبي .. مش تهبط شويه كل اللى

... : أنا بوجه آخر انداز .. فردة شراب حمرا .. دوروا  
معايا يا حضرات .

... : مين حايفطر بيض مقلى ، ٤ . ومين حايفطر بيض  
مسلوق ، ٤ .

محفوظ : اللى يستعمل حاجه يفسلها .. مفيش هنا خسدامين  
ابوكم .. عشان يفسلوها انت يا اخينا باللى جوه .

( عبده الفطيارى يخرج من الحمام . يشتبك  
معه محفوظ )

محفوظ : كنت بتعمل ايه .. ؟ .. بتولد ؟

عبده : كنت باغسل فانه .. وشراب .

محفوظ : ده انت رزل قوى يا اخى . شايف المسالة رابته توى  
يعنى .

عبده : اما راجل قليل الحيا صحيح . حسن الفاتك . يعنى  
ايه رزل ؟

( يمسك فى خناله )

محفوظ : انا قليل الحيا .. يا قليل التربية ..

( احمد يندفع من وسط الطابور ليدخل  
الحمام منتهزا فرصة الخنسافة ، محفوظ  
يترك عبده الفطيارى ويشتبك معه )

محفوظ : بالدور يا اخى . حدق قوى يعنى . مش تبطلوا الفوضى  
دى ؟

احمد : ما انا شايفك بتتخناق .. قلت ادخل انا على ما تخلصوا  
خنناق .

( يتفرس فى وجهه )

محفوظ : هو انت .. ايه اللى جابك هنا .. ؟ .. جاي تولع فى  
الشقة دى كمان مش كفايه حرقتموا الاوتيل .

( احمد يخلص نفسه ويندفع داخلا الحمام )

محفوظ : كده .. طب ودينى لكاسر عليك الباب .

عصمت : ( يكشف الفطاء عن وجهه ) .. اصطحبوا .. وطوا  
الريكوردات دى .. احنا مش فى قهوة فى درب الجماميل

محفوظ : اخرج يا احمد .. حانخرج والا اكسر عليك الباب .  
ص/احد : طب اكسره .. اكسره وانا البسك جناية .

عبده : باب ايه اللى حانكسره . انت باين عليك راجسل مش  
طبيعى .

محفوظ : اخرج يا احمد باقولك .

( سعيد يهب من نومه صارخا )

سعيد : دى مش قهوة .. دى ميضة . حانحترم نفسك انت  
وهو والا انزل فيكم ضرب .

( محفوظ يحاول كسر الباب ، احد النسيان

يجلبه من الخلف ويلتحم معه ، تنفجر الممركة

تتسع الحلقة ، يمسكون فى خنالك بعضهم

البعض ، يتعالى صياحهم ، صوت جرس

التليفون ، عصمت يلتقط السماعة )

عصمت : الو .. ( يسد اذنه ) .. خفوا يا عجر . مش سامع

حاجة .. الولية صاحبة البيت بتتكلم .

( تخفت اصواتهم )

عصمت : No, that is not true ...

ما حصلش والله العظيم .

( يلتفون حوله فى ترقب ، يضع السماعة )

عصمت : قفلت السكة . الجيران اشتكوا لها من الربطة اللى انتوا

حاملينها .. حانكون هنا فى ظرف دقيقتين .. لو جت

ماجده : ( مستنكرة ) .. نعم .. لا يا خويا العيب غيرها .  
سعيد : ( ساخظا ) .. يعنى ايه تلعب غيرها .. هي لماضه وبس  
.. عاوزينا نطرد من الشقة ؟  
آمال : حتى لو الست شافتنا واحنا في حالة حب ، حاتعرف  
ان ده تمثيل .. لان مش معقول الحكاية دى تحصل  
الصبح .

عصمت : مع المصريين تحصل .  
ماجده : تضمن لى انه يكون تمثيل .. نتفق في الاول .  
سعيد : الله .. دى بتتلك .. تمثيل طبعا . بس لازم يكون  
متن .. عشان يبقى مقنع .  
ماجده : والله ما حد بيتلك الا انت .  
سعيد : ( يصيح وهو يراقب النافذة ) .. وصلت ..

( سعيد يفتح الباب ، الفئتان تفتان صامتتين  
سعيد وعصمت يقتربان منهما ببطء شديد  
وقد استولى على الجميع اضطراب خفيف  
.. كل منهم ينظر في عين الآخر برفقة وخجل ،  
لقد بداوا يدركون بحس غريزي غامض أن  
هذه التمثيلية ليست إلا مقدمة لمرحلة هامة  
في حياة كل منهم ، يزداد اقترابهم .. تخفت  
الإضاءة اظلام ... )

ولقيتكم .. حابر حلونا بره انجلترا في ظرف ستين ثاتية  
من دلوقت ، حاتكونوا بره الشقة .. ( صائحا ) ..  
يا الله ..

محمود : حانزل الشارع بالجلابية ؟

سعيد : انت حاتناقش ؟ افضل يا محفوظ افندى .

محمود : الوش ده مش غريب على ( يتذكر ) سعيد .. سعيد  
أبو الحمايل .. ( يقترب منه متهللا ) ازيك يا سعيد ..  
عامل ايه في الانجليزى ؟

سعيد : بالله يا استاذ .. هوه ده وقته .. يا الله .

آمال : واحنا كمان . ؟ حانروح فين ؟

ماجده : ده انا عاوزه ربع ساعة على الأقل عشان اعمل مكياج .

عصمت : ( وقد وصل لعل ) استنوا انتم .. انا حاتصرف ..  
( يحثهم على الإسراع ) .. بالله يا سيدى انت وهو ..  
ابقوا نعالوا بعد الوليه ما تنزل .. بالله كملوا لبس في  
الشارع .

( يندفعون خارج الشقة .. عصمت يصيد

ترتيب الشقة في سرعة ، سعيد يساعده ،

ثم يراقب الشارع من خلال النافذة .. )

عصمت : الحل الوحيد . انكم تمثلوا دور الجرل فريند  
( girl friend ) بتوعنا .

آمال : جرل فريند يعنى ايه .. ؟ .. اصحابكم يعنى ؟

سعيد : الجرل فريند هنا ، نوع من العلاقة ، اكثر من الصحوية  
سنة .. واقل من الجواز سنة .

عصمت : ودى علاقة محترمة قوى هنا . ولذلك بمجرد ما الست  
تيجي ، تروحوا نازلين فينا بوس ..

سعيد : كل واحد يبص كويس في الباسبور بتاعه .. مكتوب ايه ؟  
 الجميع : غير مسموح بالعمل بأجر او من غير أجر .  
 عصمت : ومع ذلك .. لازم تشتغلوا .. وحاشتغلوا .  
 آمال : والقوانين ؟  
 ماجده : والاقامة ؟  
 سمير : وتصاريح العمل ؟  
 عصمت : عبقري اللي بيعمل القوانين .. بس فيه عبقري تانى ..  
 اكثر منه عبقريه .

الجميع : هو مين ؟  
 سعيد : اللي بيدور حوالياها .. اللي بينط فوقها .. الى  
 يفوت من تحتيها ..  
 الجميع : ما حدش يعرف يعمل الحكاية دي في الدنيا زينا .  
 عصمت : نبتدى خطوة ، خطوة ، اصحوا معايا .. اول مشكلة .  
 الجميع : الاقامة .  
 سعيد : ( يقرأ في كتاب صغير ) .. مسموح بالاقامة بسبب  
 الدراسة .

الجميع : هو احنا جاينين نشتغل . احنا جاينين ندرس .  
 عصمت : خطوة نمرة واحد .. حانقدموا في مدرسة لتعلم اللغة  
 الانجليزية .. والاستمارات ايه .

( يفتح حقيبة ويخرج منها عشرات الاستمارات  
 يلقيها عليهم )

صعيد : المدرسة حانديكم جوابات انكم مقدين فيها .  
 عصمت : خطوة نمرة اتنين .. حاتاخذوا الجوابات دي ، وتطلعوا

## المشهد الثاني

( المشهد التالي ، بالنسبة لفرق الهواه ،  
 يجب أن تقدمه كما هو ، اما بالنسبة للفرق  
 المحترفة ذات الامكانيات فيجب ان يعاد  
 صياغة المشهد كله ، بحيث يتحول الى تابلوه  
 غنائى راقص الجموعة كلها موجودة على  
 المسرح )

عصمت : اسمعوا يا حضرات ، باختصار شديد ، حضراتكم جاينين  
 هنا ، مشان تشتغلوا .. وتفترجوا على الدنيا ..  
 وتعملوا قرشين ..

الجميع : طبعاً .

سعيد : المسائل هنا مش سايبه .. مفيش فوضى .. مشان  
 تشتغلوا لازم يكون معاكم عقود عمل ، حد فيكم معاه  
 عقد عمل ؟

الجميع : لا ..

سعيد : خلاص .. تروحوا ..

الجميع : مش حاتروح ..

عصمت : تأشيرة الدخول اللي معاكم ، تأشيرة سياحية .. بتسمح  
 لكم بالاقامة في لندن شهر واحد .. بالكثير ، ثلاثة ..

على ادارة الجوازات والجنسية ..

( الاثنان يبدآن مسرحية صغيرة داخل

المسرحية سعيد يجلس الى مائدة صغيرة

ويضع على راسه قبعة . عصمت يقف امامه

باحترام شديد . كلاهما ينطق العامية

المصرية ولكنة اجنبية ، عصمت يمسك

بباسبوره وبيضعه اوراق . يقدم له ورقه )

سعيد : ( يفحص الورقة ) ... مسرر عصمت .

عصمت : Yes Sir

سعيد : عاوز تجدد الاقامة ليه ؟

عصمت : عشان اتعلم انجليزي .

سعيد : Very good, very good كويس كثير .

عصمت : انا باحب اللغة الانجليزية .

سعيد : Very good, very good لما كل الناس

تتكلم انجليزي .. انجلترا تيجى مبسوط كثير .. في

مدرسة ايه يا مسرر عصمت ؟

عصمت : ( يقدم له ورقة اخرى ) .. في مدرسة بيكاديللي المسائية

لحو الامية الانجليزية .

( عصمت يختمها بختم وهمي )

سعيد : بتجيب فلوس منين يا مسرر عصمت ؟

عصمت : خير ربنا كثير يا خواجه .

عصمت : ( للمجموعة ) .. وتروح مطلع مائتين جنبه .

( عصمت يخرج من جيبه رزمة اوراق مالية

يقدمها له ، يراها سعيد ويعيدها له مرة

اخرى )

سعيد : ثلاث شهور كمان اقامة للمسرر عصمت .

عصمت : Thank you very much indeed

( سعيد يمثل انه يكتب شيئا في الباسبور ثم

يختمه )

الجميع : وحابجيب المبتين جنبه منين ؟

عصمت : اهم ..

( يخرج من الدولاب رزمة اوراق مالية )

سعيد : كل واحد فيكم يرد على الموظف بشقة وهدوء .. بلا اى

اضطراب . اتفضلوا . ورونى .

( يقفون طايور امام سعيد الجالس .. كل

منهم يحمل الباسبور واوراق صغيرة ..

الشخص الواقف اول الطابور .. يقلم

الباسبور والشهادة والنقود سعيد يختمهم

له )

عصمت : بسرعة . بسرعة ورشاقة .. وبعد ما تخلص .. تناول

الفلوس للى وراك .. وهكذا ..

... : ولو الموظف كشف اللعبة دى ؟

عصمت : ساعات الموظف بيكشف اللعبة .

( سعيد يمسك برزمة الاوراق المالية )

سعيد : اوه .. انا شفت الفلوس دى قبل كده ..

The rat is playing in me

اسموا يا جنرالات .. عملية غزو لندن كانوا يسموها في

الحرب الثانية Lion Sea

سعيد : سبع البحر .

عصمت : احنا حانسمى الغزو بتاعنا Lion Bromba

سعيد : سبع البرمة .

المجموعة : هابل عصمت .. هابل عصمت ..

( عصمت يشرح على الخريطة بهيستريا

هتارية وبحركات محموه ، سعيد يساعده

في الايحاء بجو القتال بالآثرات الصوتية التي

يصنرها بغمه .. )

عصمت : لندن .. اوه .. لندن .. المرطونات يهجموا في الأول

.. يمهدوا أرض العمليات .

سعيد : يكتسوا المطعم .. ويمسحوا البلاط .. ويسيقوه ..

ويلمعه ..

عصمت : السفرجية وراهم .

سعيد : يرسوا الشوك والمعلق .. ويحطوا الاطباق ..

عصمت : بعد كده الجرسونات بقتحموا المواقع مقشرة .

سعيد : يستولوا على البقشيش كله ..

الجميع : هابل عصمت .. هابل عصمت .

( يهللون ويتصايحون وهم يسرون بخطوة

أشبه بمشية الاوزة ، يفادرون المسرح ..

الفاز يلعب في عبي you Egyptian

Egyptian فوريجي بضحك على موظف انجليزى ..

انا لازم اعلم الفلوس دى .

عصمت : في الحالة دى حايطح علامة على اول عشرة جنيهه ..

حايمضى عليها .. بأسرع من لمح البصر كل واحد يكون

جاهز بعشرة جنيهه ثانية يحطها على اول الفلوس ..

وطبعاً الحركة دى عاوزه تدريب .

سعيد : حانسبيكم تتدربوا عليها جمعة .

المجموعة : برضه المشكلة لازالت قائمة .. مفيش معانا نصريح

بالعمل .

عصمت : مش لازم . المطاعم واللوكانداات حاترحب بيكم .. حاتدلع

لكم اجور هايفة وتشفلكم مائة ساعة في اليوم ( جادا تماماً

وكانه يقود معركة ) .. والان ايها السادة .. علينا ان

ننجح فيما فشلنا فيه القوات الالمانية .. علينا ان نغزوا

لندن .

الجميع : ( يرفعون ايديهم بالتحية النازية وهم يصيحون في تهجم )

هابل عصمت ، هابل عصمت .

سعيد : أيوا .. أضحكوا على نفسكم . سموه غزو .. احنا جايين

هنا نخدمهم .. خدمناهم سبعين سنة .. ولما سابونا ..

طلعننا نجرى وراهم . عشان نخدمهم برضه .

عصمت : ( يحضر ورقة كبيرة يفردها على المائدة وكانها خريطة )

تغير الاضاءة مع الموسيقى اشارة لمرور زمني

( يدخل عصمت وآمال ومعهما بعض

الحاجيات آمال تخرج بعض اللبوسات من

اكياسها وتفحصها باعجاب )

آمال : ظريف قوى البلو فردة .

عصمت : فعلا .. لكن براؤوا عليكى .. ما بتضيعيش فلوسك على

الفاضى . كل يوم بتشتري حاجة .

آمال : انا حظى كويس . بيطلع لى بقشيش كثير . يعنى انشاء

الله فى ظرف سنة حاكون جيت كل اللي انا عاوزاه .

عصمت : انتى مش حاترجى مصر اول الشتاء ؟

آمال : ارجع اعمل ايه . ؟ القوى العاملة مش حابيت لى قبل

سنة .

عصمت : ( ضاحكا ) على كده آخر السنة ، حاتحتاجى طيارة

خاصة ، حايفتكروكى ناجرة شنطة .

آمال : المحلات هنا فيها حاجات تجنن .

عصمت : اغلبها موجود فى مصر .

آمال : بس غاليه .. غاليه نار ؟

عصمت : احنا سرحننا .. اتنين وربيع دلوقت . يادوب على مائاخنا

الاندرجراروند احنا حاتخلص الساعة ثمانية النهاردة .

تحبى نروح سينما ؟

آمال : باتضايق من السينما . مفيش ترجمة على الشريط .

عصمت : ندخل مسرح . فيه مسرحيات . الانجليزى بتاعها سهل .

آمال : مسرح . ؟ ده انا ماباشوفش مسرح فى مصر الا نادن .

باشوف كل مسرحيات فؤاد المهندس . شويكار بتلبس

فساتين حلوة قوى .

عصمت : نشوف باليه ؟

آمال : مصاريف على الفاضى .

عصمت : خلاص . نروح حتة نتعشى ونرقص ..

آمال : صح .. بس ادفع نصيبى فى العشا . انجليزى .

عصمت : المرة دى انا عازمك .. ابقى اعزمينى يوم تانى ..

آمال : حقيقى يا عصمت ، انا مش عارفة اودى جمالك دى كلها

فين ؟

عصمت : ما نقيش عبيطة

آمال : ادتنى سريرك . وشفلتنى فى مكان كويس . ومش مخلينى

محتاجة حاجة .. اخويا نفسه ما كانش حايعافظ على

كده . حقيقى ساعات باحسن انك اكثر من اخويا .

عصمت : هو انا اطول يا آنسة آمال .. اطول انى ابقى اخوكى .

آمال : ايه حكاية يا آنسة آمال . ؟ عاوزنى اقول لك يا استاذ

عصمت ؟

عصمت : لا ابدأ .. بس صدقنى ، ساعات باحسن ان فيه حاجز

بينى وبينك .

آمال : الحاجز ده فى عقلك انت . عشان كده باحسن ساعات انك

بتعاملنى شويه رسمى .

عصمت : مش للدرجة دى .

( يسرح قليلا )

عصمت : ولا حاجة .

آمال : انا بقى بانكر في حاجة . عارف هي آيه

عصمت : خير ؟

آمال : انا باحس انى باعرفك من سنين . الدرجة اتى مش متصورة انى حايجى اليوم اللى حاسافر فيه مصر . وانت تستنى هنا . مش معقول حانفضل في لندن طول عمرك . مسيرك حاترجع مصر .

عصمت : باحلم بمصر يا آمال . باحلم بالنيل واصحابى على القهوة . باحلم بالشوارع لكن عاوز اقولك حاجة .

آمال : عاوز تقول لى انك سعيد هنا .

عصمت : ابقى كداب .. انا بكالوريوس تجارة .. وكنت وصلت لرئيس قسم في الوزارة باشتغل هنا جارسون .

آمال : وده عيب ..؟ .. فيه معاهد بتطلع جارسونات .. وبتدى بكالوريوس زى بتاعك بالظبط .

عصمت : يا ريت كنت اتخرجت منها .. على الاقل كان حايبقى ده مستقبلى .. كنت حاترقى لحد ما اوصل لمدير اوتيل .. وده مركز مش قليل هنا .. لكن انا وصلت لجرسون بالعافية .. ومش مسموح لى اترقى خطوة واحدة بعد كده .. باشتغل ثمان ساعات في اليوم . ثمانية ساعات في ستين دقيقة لكن بصي فوق الدولاب . دى خرطوشة

سجابر . المطبخ فيه شاي وسكر .. ولحمة ومكرونه .. جزمى سليمة وجديده .. مش حاتلحق تدوب .. اعرف اشتري غيرها فورا .. الشقة دى لقيتها في ربع ساعة .. مادفمتش خاو .. بافتح الحنفية بتنزل مايه .. مايه سخنة . ومايه بارده حانزل دلوقت انا وانتي حانلاقى مكان في الاندروجراوند .. ساعات القطر بيبقى زحمة . لكن دايمًا فيه مكان . باروح متاحف . باشوف سينما . يادخل مسرح . باسمع مزيكة . باعمل رحلة في نهاية الاسبوع . صحیح مش باحوش فلوس كثير .. لكن انا عاوز فلوس كثير . انا عاوز اعيش .. اعيش زى الادميين .. واعتقد انى دلوقت اعيش زى البنى آدميين .. حاجة واحدة بس اللى بتؤلمنى .. كان نفسى يتحقق لى كل ده في مصر .

آمال : ممكن .

عصمت : حاولت المستحيل . ما امكش .. عملت كل السلفيات الممكنة . كل الاوفرتايم الممكن . انا جيت هنا في اللحظة اللى اكتشفت فيها انى لازم اتحول للص .. او مرتشى .

آمال : وبعدين ؟

عصمت : هو ده السؤال .. وبعدين ؟ . في عز ما انا مبسوط .. فيه حزن غريب قوى بيهجمنى .. فيه شيء مهم قوى ناقصنى .. شيء لا يمكن الاستغناء عنه .. شيء .. الحياة نفسها تفقد طعمها من غيره وتتحول لكيان مزيف .

عصمت : لا .. مصر .. ( لحظة صمت ، يغير الموضوع بسرعة  
وبلهجة مختلفة ) بالله يا آمال .. القطر حايقوتنا .

( صوت اقدام سريعة على السلم ، ضحكة

نسائية ثم صوت سعيد ... آى .. آى ..  
يا مجنونة يدخل سعيد وفي اعقابه ماجدة ) .

سعيد : ده شيء ما حصلش .. ماتضمنش حاتعمل فيك ايه في  
اى لحظة تشكلك تقرصك .. تصورالنهاردة .. عندنا  
اف .. of يوم راحة زى ده الواحد يرتاحه .. بنامه  
.. امال هو راحه ليه .. صحتنى الصبح الساعة سبعة  
وودتنى متحف .. متحف فيه ايه ؟ شجر وسك ..  
معمولين من الحجر .

ماجدة : يا جاهل .

سعيد : ماسكة الخريطة .. وعارفة الحوارى والشوارع .. انا  
بقالى هنا سنين .. وماعرفش الا الشارع اللى فيه  
الطعم .

عصمت : تحمد ربنا اللى لقيت واحدة تنجرك .. السلام عليكم ..  
مش حانعرف تقعد معاكم .

آمال : باى .. باى ..

( سعيد يدخل الحمام ، عصمت يسبقه

في الخروج ماجدة تستوقف آمال لحظة عند  
الباب ، يتبادلان الحديث همسا ) .

ماجدة : اخبارك ايه ؟

آمال : ما تخافيش على اختك . مش حانزل مصر بأيدى فاضية .

ماجدة : حصل ؟

آمال : حا يحصل . في طريقه للحصول .  
ماجدة : عصمت شاب كويس قوى .. ناربت تحافظى عليه .  
آمال : طبعا .. بس مش عارفة ماما حاتقول ايه ؟  
ماجدة : حاتقول ايه في ايه .  
آمال : اصل عائلته يعنى ....  
ماجدة : عائلته ... ؟ ... كلك خيبة انتى وامك .  
( صوت عصمت صانجا بعد ان وصل الى

الباب الخارجى )

عصمت : بالله يا آمال .. لازم يعنى الكلمتين تنوع السلم .  
( آمال تختفى ، ماجدة تطلق الباب خلفها  
سعيد يخرج من الحمام ) .

سعيد : فرصة العمر . حنام شوية على السرير قبل ما اى حد من  
الاوغاد يبجى ..

ماجدة : مفيش نوم يا استاذ ، فيه محاضرة مهمة جدا عن مستقبل  
الحضارة . حانحضرها

سعيد : افندم . ؟ . انا عارف اشوف مستقبلى لما اشوف مستقبل  
الحضارة .

ماجدة : مش حاتعرف تشوف مستقبلك الا اذا اهتميت بمستقبل  
الآخرين ( تفحص كتيبات ونشرات صغيرة ) انت خريج  
ايه يا سعيد ؟

سعيد : انا مش خريج كلية الطب .

ماجدة : ( وقد سرتها المفاجأة ) .. يعنى دكتور ؟

سعيد : لا . . . قعدت سبع سنين وخرجت من سنة تانية .

ماجدة : ليه ؟

سعيد : من غير ليه . اكتشفت انى ما نفعش دكتور ... انا بالكثير  
انفع عيان .

ماجدة : ( وهى تعلم بالقلم فى كتيب صغير ) حظنا من السماء .  
بعد المحاضرة حاندخل سينما . وبالليل نروح الاولدوتيش  
فرقة شكبير المسرحية .. فيه ماتيه النهاردة ..  
وبعد كده نروح ننعشى ونرقص .. ايه رايك ؟

سعيد : ماخى انا مش عاوز اضحك عليكى .. انا ما عرفش انجليزى  
كويس . والانجليزى اللى كنت باعرفه نسيته من يوم  
ما جيت هنا .. باشتغل مع مصريين وعابش مع مصريين  
... لا انا حافهم المحاضرة .. ولا حافهم الفيلم ..  
ولا حافهم المسرحية .

ماجدة : حاتحاول تفهم .

سعيد : انتى انسانة غريبة .. كل البنات اللى عرفتهم هنا  
بيتفرجوا على الفئارين فى المحلات بس .

ماجدة : قبل ما ارجع مصر بعشرة ايام .. حاتفرج على  
الفئارين ( لحظة صمت ) سعيد .

سعيد : ام .

ماجدة : انا عاوزة اسالك سؤال .. بس تجاوبنى عليه بصراحة .  
سعيد : اتفضلى .

ماجدة : لما الست صاحبة الشقة جت هنا . واحنا كنا .. ( تتردد )  
.. كان .. كان .. تمثيل ؟

سعيد : ( لحظة صمت ) .. كان تمثيل فعلا .. بس لو حصل  
مرة تانية .. حايبكون حقيقى .

ماجدة : تفكر كده ؟ .

سعيد : متبهالى ....

ماجدة : اطمن مش حايبحصل تانى ....

( تنظر له بابتسامة عريضة ، جرس  
الباب ، سعيد يفتح الباب ، يدخل محفوظ  
وقد انحنى انحناؤه هائلة واتخذ جسمه شكل  
الرقم ( ٢ ) ، يحرك يديه بشكل آلى كما لو  
كان يقوم بفصل اطباق وتحفيها .. )

سعيد : ايه ده يا محفوظ افندى .. مالك ؟

محفوظ : ستة آلاف طبق من الصبح لحد دلوقت .. وسطى انقطع  
قدام الحوض .

ماجدة : حوض ايه يا محفوظ افندى .. فيه ماكينات اوتوماتيك .

محفوظ : عطلت عشان حظى النحاس .. العيب فى انا .. ما باعرفش  
اغسل الاطباق الصينى .. بشكسر منى .. عصمت الله  
يستره شغلنى فى المطعم بتاع شركة فورد .. الاطباق  
اللى فيه بلاستيك . ميلامين .

سعيد : تبقى مشكلتك اتحلّت .

محفوظ : للأسف الحوض واطى . قريب من الارض . الظاهر معمول  
كده عشان يقف عليه عيل صغير .

سعيد : تجيب كرسي وتقعدى قدام الحوض .

محفوظ : الراجل مدير المطعم .. شرس .. محرم .. محرم حد  
يقعد فى الطبخ .. بيرفد على طول .

( فى اثناء حوارهم معهما ، لا زال منحنيا ويدها  
لا تكفان عن العمل )

محفوظ : كل اللى باحلم بيه انى افرد ظهرى .. ياريت  
تساعدونى ..

سميد : ( ينحنى لها ) ... You Welcome  
العنقاء : Than you

### ( الفتاة تتجول في الشقة )

سمير : زميلتي في المطعم ... بتعمل الشورية ... قصدي كانت  
زميلتي في المطبخ جوه .. وبعدين اشتغلت جرسونة ..  
قصدي مش جرسونة .. مساعدة جرسونة .  
سميد : وبعدين ؟

( سميد هادنا تماما ينظر ببرود لسمير )

### ( الذي يتزايد ارتياكه )

سمير : احنا عندنا اجازة .. مش اجازة .. قصدي راحة ..  
ساعتين .. من الساعة اتنين لاربعة .

سميد : وبعيد ؟

سمير : قالت لي حاتروح فين .. ؟ .. قلت لها حاروح ..

سميد : وبعدين .

سمير : ركينا سوا .. وبعدين مشيت معايا .. هي ساكنة في  
نفس الشارع .. لما وصلنا لحد هنا عزمت عليها .. عادي  
.. اتفضلي ..

سميد : اتفضلت .. جنسيتها ايه ؟

سمير : نولندية .

ماجدة : طبعاً انت قصدك تعزمها عزومة مراكبية .

سمير : ايوه ..

ماجدة : الناس هنا بتصدق اي حاجة يا سمير .. ما تعزمش اى

( يتام على السرير ، ولا زال على حالته )  
( يساعده انه في فرد جسمه ، شيئاً فشيئاً )  
يداه تكفان عن العمل الآلي )

محفوظ : الحمد لله .. كنت خايف .. احسن ظهري يعقد على  
كده .. عن اذنتكم .

ماجدة : على فين ؟

محفوظ : حانتهم فرصة الساعة ونص الراحة دول ... وادور على  
مطعم تاني .. وقبل ما اشتغل لازم اشوف الحوض ..  
اهم شيء الحوض لازم يكون عالي .. السلام عليكم ...  
( يخرج محفوظ ويترك الباب مفتوحاً )

ماجدة : مسكين .. الراجل ده حايتهدل هنا ..

سميد : يتاهل اللي جابه . ؟

ماجدة : لو استمر كثير في المطعم ده .. حايئزل على ميدان السيدة  
زينب عدل .

سميد : ( ينحنى مثله مقلداً حركته ثم يستجدي ) ... له  
يا اسيادي .

( بضحكان . في نفس اللحظة تظهر فتاة )

شغراء وخلفها سمير .. الفتاة وسمير يدخلان ،

سميد ينظر لها مندهشاً ، سمير يستولى عليه

( الاضطراب . )

سميد : اهلا يا سمير ... ده انت اشتغلت بسرعة اهو ...

سمير : ايوه ابيه عصمت وداني امبارح مطعم ... باعمل  
السلطة ..

سميد : وبعدين ؟

سمير : ( يقدم له الفتاة ) ... مس بولا

حد على اى حاجة الا اذا كنت قاصدها فعلا ..  
سمير : حاضر .. معلش .. على العموم اللي يتعلم ما يتعلمش  
بلاش

( يخرج هو وماجدة ... يعود بعد لحظة )

سميد : (بهتوء شديد وبصوت يكاد يقترب من الهس) سمير ...  
( يفكر قليلا وكأنه يبحث عما يريد أن يقوله ) ... مش  
على سريرى ...

سمير : ( مضطربا ) .. ابيه سميد انت فاهم غلط .. المسألة  
مش حا تتعدى انا .. تشرب شاي .. ويمدلين ننزل على  
المطم ..

سميد : انا مش فاهم غلط يا سمير .. انا بانكم على الشاي ..  
برضه مش على سريرى .

( ينصرف بهتوء .. سمير يفتح الباب ،

الفتاة تستلقى على سرير في غرفة النوم ، سمير

في الغرفة الأخرى يجلس على مقعد بجوار

النافذة .. يحتق الى لا شيء عبر زجاج

النافذة باكتئاب شديد .. الفتاة تهتمهم باغنية

أوربية .. سمير يكلم نفسه كما لو كان يفكر

بصوت مسموع .... كلماته هامسة بلا اى

انفعال )

سمير : بقى دى وصيتى ليك يا سمير .. ؟ .. ماما ، صدقينى

ما عملتش حاجة حانكذب على ابوك يا سمير ؟ بقى سمير

ابن الشيخ عبد العزيز يعمل كدة ، الشيطان ضحك على

.. الئيس شاطر .. هو فيه ابليس فى لندن . ؟ يا قليل  
الحيا .. يا عديم التربية .. يازنديق .. حاتشوى فى  
نار جهنم .. لا .. حاتوب على طول .. مرة واحدة  
واتوب على طول .. ما هو كمان ما ينفعش ابقى تايب  
كده على طول من غير ما اغلط .. يا جماعة انا ضعيف ..  
والنفس امارة بالسوء .. ما عرفتش اقاوم .. حاجة  
بتصرخ جوايا ... بتعوى ... ( صوت عواء ذئب من  
بعيد ) ..

الفتاة : Samir

سمير : Yes darling Just a Second

سمير : يا رب اغفرلى اللى ناوى اعمله .. طبعاً الشيطان موجود  
معانا فى الشقة دلوقت .. شيطان انجليزى فاهم شغله  
كويس .. مش زى الشيطان المصرى اللى كنت باعرف  
اقاومه .. انا لسه صغير .. ما عنديش خبرة وضعيف ..  
واتربيت فى بيئة مليانة قيود .. اللى انا شايفه .. ان  
الشيطان حايدل مجهود كبير قوى عشان يغلبنى المرة  
دى ..

الفتاة : Samir

سمير : وفيه احتمال كبير قوى انه ينجح فى مهمته ويغلبنى ..  
الحاجة اللى انا متأكد منها انى بعد ما تغلب .. حاتوب  
.. كل شيء مكتوب ... لو مكتوب لى انى اعرف اقاوم  
.. حاقاوم .. لو مكتوب ان الشيطان يغلبنى ..  
حايدلبنى ..

الفتاة : Samir

## المشهد الرابع

( عندما يضاء المسرح ، نجد بانوراما كبيرة  
تتلا فراغ المسرح ومساءة من الخلف ، على  
البانوراما تظهر شرائح ملونة Slides تحدد  
المكان الذي يوجد فيه الإبطال ، يراعى ان تكون  
رسوم الشرائح بسيطة ، وموجبة وقريبة الى  
الكاريكاتور مثال ذلك . عندما يجلس سعيد  
وماجدة في صالة المسرح ، نجد في الخلفية رسم  
لمئات المتفرجين ، وهكذا .. انها ليست  
مشاهد يفتر ما هي لقطات صغيرة . )

( اللقطة - ١ - الشارع - ليل / خارجي )

( عمود كهرباء وجزء من الرصيف ، تحت  
العمود صندوق مهملات ، وأشياء ملقاه حوله  
في غير عناية ، اثاث قديم ، كتبه ، بعض المقاعد  
سريير ، أحمد وعبد يدخلان ، أحمد يتأمل  
الأشياء تحت العمود . )

أحمد : حد يصدق ان الزبالة هنا فيها سراير ومراتب ورايوهات  
وبطاطين ومخدرات وحلل .. لو فيه طريق برى من هنا  
لمصر .. كان الواحد لم الحاجات دى كلها وطلع على وكالة  
البلح دوغرى ..  
عبد : كنا عملنا ذهب .. تصور البنت سوزان النهارده عملت  
ثمانية جنيه بقشيش .

( أحمد يتأمل السريير .. )

أحمد : ايه رايبك في السريير ده ؟

عبد : كويس .

أحمد : تيجي ناخده .. ؟

سمير : لو مكتوب ان اللي حا يحصل ما يحصل .. مش حا يحصل  
.. ممكن يحصل زلزال دلوقت .. تقوم حرب .. موت  
انا .. تموت هي .. حتى لو ماتت هي .. ابقى اعزم  
البنت الثانية اللي قاعدة على الكيس .. انا حا قاوم دقيقة  
كمان .. عشان ابقى عملت اللي عليه .

( يقف ثم يغمض عينيه ، الفتاة تنهض من  
على السريير .. تذهب اليه .. تداعب خده  
برقة . )

سمير : لا حصل زلزال . ولا قامت حرب ولا انا مت .. ولا هي  
ماتت .. مفيش أمل .

( تبدأ تفك أزرار قميصه .. تبدأ الاضاءة

تخفت ، ببطء جدا .. )

سمير : اتقلبت .. على الاقل الواحد لما يتقلب لازم يتمتع بروح  
رياضية .. ويعترف بشجاعة .. ان الشيطان شاطر  
فعلا .

( تخفت الاضاءة .. انلام )

( لفتحة - ٢٠ - شارع أكسفورد ، من بعيد يبدو ماربل  
آرشي ، امام قنارين المجلات ليلى / خارجي ) .

( يدخل عصمت وآمال تنتقل بين القنارين  
وهي تحقق فيها باعجاب شديد ان انهارها  
الشديد بالسلع المعروضة ، يكاد يقرب من  
الهستريا الخفيفة ) .

آمال : كل حاجة .. كل حاجة .. كل حاجة .. كل حاجة  
موجودة .. وكثير .. كثير قوى ورخيصة .. مانالس  
على حاجة وماتلاقيهاش .

عصمت : طبعاً ، المجتمع هنا حريص انه ياخذ كل فلوسنا .

آمال : ياخذها ياسيدي . بس نلاقي اللي عاوزينه .. ده انا  
بادخل المحل من دول باقى حاجتنى ، باكشف اتى  
محتاجة كل حاجة جواه . كل حاجة . آلاف البلوفرات  
مرمية فوق بعضها زى الروبايكيكا .. لو عندى خمسة  
منهم كنت فتحت بوتيك فى شارع الشواربى . قماشات  
وبلوزات وبلاطى وشرابات ، وفساتين ، وادوات مطبخ  
وادوات سفره .. الا الستائر .. كل حاجة اخترعها  
الانسان .. وله حاجتها موجودة . ورخيصة .  
هاتف يا عصمت . احنا لو بلدنا مجهود شوية .. ممكن  
نجيب كل اللي عاوزينه .. ممكن بيتنا فى مصر يبقى  
جنة .. كل حاجة حانجيبها من هنا .. البيت لازم  
مظهره يبقى كويس يا عصمت .. فيه ناس حانزورنا ..  
ناس مهمين . بيوتهم كلها متجهزة من بره .

عصمت : ابوه يا آمال يا حبيبتي ... بس المسألة مش بالبساطة  
دى .

عبيده : ناخده ايه ؟ هي شقتنا ؟ احنا مجرد ضيوف .  
احمد : ناخده لسميد .. تبقى مشكلتك فى الحياة كلها انحلت .  
عبيده : فعلاً .. ناخده دلوقت ؟

احمد : نستنى شوية .. الشوارع بتبقى فاضية بعد الساعة  
عشرة .. بس عاوزين ندور له على مرتبة نظيفة ...  
عبيده : الشارع اللي ورانا ، الزبالة بتاعته احسن من الزبالة  
بتاع شارعنا .. ندور فيه . حق يا ابني ، لو لقينا شقة  
فاضية فى الزبالة .. تصور .. الراجل الانجليزى  
قعدت اخدم عليه ساعتين .. بعد ما كل نص اللحمة ،  
رجعها .. قال ايه ، مش مستوية مادفمش بقشيش  
طبعاً ... واصر ما يدفمش العشرة فى المائة خدمه .  
احمد : الانجليزى فاهم حقوقه كويس .

عبيده : مش كده ويس .. بعث شكوى للسياسة من عشرين صفحة  
.. ( لحظة ) .. البنت سميرة امبارح طلع لها اتناشر  
جنيه ، كانت بتخدم على سياح يابانيين .. انت عارف  
مين بيدفع بقشيش كويس اليابانى . والعربى .

احمد : المصرى اجدع منهم .  
عبيده : بس غلبان يا جدع . على فكرة البنت آمال بيطلع لها  
بقشيش كويس قوى .

احمد : ايه اللي عرفك ؟

عبيده : كل يوم بتشتري حاجة . ومن ذلك دايماً معاها فلوس .  
( وهما يسيران خارجين ) .

احمد : رقيقة قوى . وأنا باخاف من النوع الرقيق قوى ده ؟  
عبيده : بالعكس ، دى بنت كويسة قوى ، بتطلع بقشيش حلو .  
.. تصور ، يوم السبت عملت بتاع سبعة جنيه وربيع .  
( يخرجان ، يمر محفوظ ويداه تعملان بلا  
توقف يخرج ) .

( يقفان ... لحظة - { - الصورة على  
الباوراما فرقة موسيقية .. نستمتع لتأججو  
هاديء برقصان .. تتكلم بأقصى مألديها من  
همس ورقة ) .

آمال : معنى الليلة دى انت صرفت كام ؟. يادوب اتعشينا ..  
خمسناشر جنيه .. خمسناشر جنيه استرليني .. ولو  
كنت طاوتك ورحنا سسينما أو مسرح . كان ممكن  
يوصلوا لخمسة وعشرين جنيه .

عصمت : انا سعيد جدا الليلة دى . ولما باكون سعيد ، مابافكرش  
فى حاجة خالص .. مش عارف انا صارحك ازاي ..  
لحد دلوقت .. مش عارف انا ازاي قلت لك الكلمتين  
دول .

آمال : كلمتين ايه ؟

عصمت : باحك يا آمال .

آمال : سبقتنى .. لو كنت استنيت خمس دقائق .. كنت  
حاقولهم لك انا .. ( تمس وهو تلدوب فى صدره ) .  
ياحبيبى يا عصمت .

( تخفت الإضاءة قليلا .. يخرجان ) .

( لحظة - ٣ - مطعم ، ليل/داخلى ) .  
مائة صغرة ومقعدان ، يطلسان ، يتناولان  
عشاء وهميا ) .

آمال : انا مش باحلم .. انا واقعية جدا .. الطريقة اللى انت  
عايش بيها ، غلط ، فاتح بيتك على البحرى .. وقتك  
كله بتضيعه فى الرحلات والقراية والفرجة على المسارح  
والسينما .. انت بتشتغل ثمان ساعات فى اليوم بس .  
عصمت : كفاية قوى على .

آمال : يا عصمت .. احنا لو ما كناش حانشتغل فى السن دى  
.. حانشتغل امتى ؟ احنا لو تعبنا سنتين هنا ، ومسكنا  
على ايدينا شوبه ، ممكن نعيش فى مصر طول عمرنا  
مستريحين .

عصمت : ممكن يا آمال نعمل شقة كويسة فى مصر . مش دى  
المشكلة . الرتببات هى المشكلة .

آمال : ومين بيعيش بمرتبته يا عصمت ؟. آهى الناس بتتصرف .  
عصمت : آه . آهى تصرف دى اللى انا معترض عليها . وماعرفش  
أعملها .

آمال : انت خيالك بيروح لحاجة وحشه ليه . احنا ممكن  
نصرف بطريقة شريفة . ممكن نحول من هنا تمن عربيتين  
١٢٨ ... نشغلهم تاكسيات . حايقى دخلنا أكثر من  
تلتماية جنيه فى الشهر ... ده احنا نعيش ملوك .

( لفتة - ه - قاعة المسرح ... ليل/داخلي ) .

( قاعة مسرح ممثلة بالمتفرجين ، سعيد وماجده جالسان يتحدثان باهتمام الى خشبة المسرح ، نستمع لحوار بالانجليزية من مسرحية شكسبيرية ، رد الفعل على وجه سعيد الذي يبدو منفصلا باحداث المسرحية الى اقصى حد ، يتراجع صوت المسرحية الى الخلفية ثم نستمع الى صوت سعيد مسجلا ) .

ص/سعيد: سنتين في لندن . والليلة دي اول مرة اشوف فيها المسرح الانجليزي .. صحيح انا مش فاهم ثلاثه اربع الكلام .. لكن حاسس كل كلمة .. حاسس كل حركة .. ياسلام لو كان الواحد فاهم الكلام كله .. كان اتمتع اكر .. المرة الجاية انشاء الله .. لازم اقرأ المسرحية قبل ما اتفرج عليها .. انا عندي قاموس حاستعين بيه . ياخسارة . لو كنت باعرف لغة كويس ، كان موقفى اتفر ، كان زمان معايا البكالوريوس دلوقت كان زمانى هنا في لندن .. مش عشان اقدم السلطة ، عشان اقدم على الدبلوم .. على الماجستير . على الدكتوراه . كنت في الحالة دي ابقي جدير بواحد زى ماجده ... مثقفة قوى بنت الايه .. باين عليها بنت ناس .. انا دخلت المسرح والسينما في مصر مع بنات كثير .. كنت باحجى آخر كرسيين في الصالة ، ماكنتش باستننى الفيلم .. كنت باستننى لما الصالة تظم .. مع ماجده باحسن انا طالع للوقت ، ماعرفش ، انا اللي اتفريت والا الدنيا هي اللي اتفريت . كل شيء بقى اجمل من الاول ، باحسن ان فيه حاجة بتتولد جوابا .. واحد تانى .. انا باحسن انا محترم اكر من الاول .. ياترى هو ده الحب ..؟ . نفسى امد ايدى والس ايدها .. بس ياترى ده مسموح

بيه في مسرح شكسبير .. ( يتلفت حوله ) لو كان ممنوع كانوا كتبوا يافظه .. على العموم ما فيش داعى .. دي مجنونة ممكن تعمل اى حاجة .. ياه .. نفسى آخذها واطلع اجرى بيها في الشوارع .. على النعمة هو ده اللي بيسموه الحب ...

( يعلو صوت حوار المسرحية الشكسبيرية ثم يتراجع الى الخلفية .. نستسمع لصوت ماجده مسجلا ) .

ص/ماجده: ما حاولش يحط ايده على كتفى .. وما حاولش يلمس ايدى ، واضح انه ولد متربى .. احساسه باقتبل حوله لانسان خايف .. ببيض للدنيا على انها غابة كبيرة .. لذلك بيقفل على نفسه .. يحاول يمثل دور الاثاني .. لكن درجة انسانيته عالية . محتاج حد يصحبها جواه .. سعيد ده من النوع اللي لو حد حطه على اول الطريق .. ينطلق لوحده .. ويبقى جزء من حركة الدنيا .. ويبقى راجل . راجل تمنماه اى واحده . مش معنى كده انا بالصور انه ممكن يبقى جوزى .. الراجل اللي باحلم بيه لازم يكون اقوى منى .. اذكي منى .. مثقف عنى .. اما انا فغيبه صحيح ممكن الراجل يكون الحاجات دي كلها .. ومع ذلك ماجوش او مايجنيش .. سعيد باحسن انه .. انه ابني .. ( لحظة ) .. لسه ما حاولش انه يلمس ايدى .. لو لمس ايدى حاسبها قورا .. صحيح انا مش حاضايك لو لس ايدى .. بس لازم اتصرف كده .. والا حافطكرنى من اياهم .. امسك ايدى بقى ياغيبى ، المسرحية حاتخلص .. معلش .. هو جو المسرح مش مبيلا لكده .. بكره ندخل سينما .. ( يرتفع صوت حوار المسرحية الشكسبيرية عاليا ثم يتوقف ، ترتفع عاصفة من التصفيق ، سعيد وماجده يصفقان بحماس ، تختل الاضاءة الاظلام ) .

( لقطة - ٦ - المطعم - ليل/داخلي ) .

( يجلسان الى مائدة صغيرة ثم يمتلآن انهما

يتناولان عشاء وهما ) .

ماجده : عندك استعداد ترجع الكلية تانى ؟ .

سعيد : ارجع الكلية ..؟! ... كلية ايه ..؟ .. كلية الطب ؟ .

ماجده : ايوه ..

سعيد : ده موضوع انا نسيته يا ماجده .. ارجع ازاي ..؟ .

ماجده : ازاي دى تفكر فيها بعدين .. المهم ، عندك استعداد ؟

سعيد : ايدى على كتفك ..

ماجده : المسألة سهلة قوى ... احنا بنحط هدف قدام عينا

.. ونشوف حانوصل له ازاي .. قطما فيه طريقة .

سعيد : والنبي يا ماجده ماتقلبش على المواجه تانى ... انا

احلامي كانت كبيرة قوى .. العيادة .. والعربية الطويلة

... والفيللا .. والعمارة .. والعزبة .. الصبح عشر

عمليات لوز فى خمسة وعشرين جنبه والضحهر عشر

عمليات زائدة دودية فى ثلاثين وبالليل عشرين عملية

بواسير فى اربعين .. يعنى الواحد يطلع له بألف .. الف

ومائتين جنبه فى اليوم .

ماجده : احلامك ماكانتش كبيرة .. احلامك كانت حقيرة ..

ووضيمة .. عشان كده ماعرفتش تكمل .. انا عارفة

من الاول انك وفد .. شرير .

( يمشل انه يفتح زجاجة ثم يصب منها فى كوب

وهي ) .

سعيد : ابوكى بيشتغل ايه ..؟

ماجده : استاذ الفلسفة بجامعة القاهرة .

سعيد : ( وكأنه يقرأ فى صحيفة ) ... حادثة غريبة ... شاب

تمصرى يضرب ابنة استاذ جامعى علقه مروعة ثم يقتلها ..

ماجده : حاول تمد ايديك على .. انا قعدت سنة وتصر العب

مصارعة يابانى وكاراتيه .. واعرف اذافع عن نفسى

كويس قوى .

سعيد : الظاهر انا قريت العنوان غلط .. ابنة استاذ جامعى

تضرب شابا مصريا علقه مروعة ..

ماجده : صح كده .

( يضحكان )

سعيد : ماجى .. انا .. انا ..

ماجده : نتحنى .. وعاوز تخطبنى ...

سعيد : لا .. لا .. لا .. انا كنت عاوز اقول لحضرتك حاجة

تانية .. انت لخطبتنى .. انا كنت كويس قبل ما اشوفك

... كنت مبوط قوى .. اشتغل ، واكل ، واشرب ،

واهيص ، واتام .. مابافكرش فى حاجة ابدا .. من

ساعة ما شفتك ، بدأت اتعذب .

ماجده : ليه ..؟ ..

سعيد : بدأت افكر ، ودى مسألة جديدة فى حياتى .. بدأت

اشغل عقلى .. بدأت افكر فى بكرة .. بكرة حابقى ايه

..؟ .. منك لله يا شيخه ...

ماجده : بينا نرقص ...

( تتغير اللوحة على الخلفية ويحل محلها رسم

لفرقة موسيقية نستمع لتأجيو هادى ،

يرقصان ) .

سعيد : ماجى أرجوكى .. اخرجى من حياتى .

ماجده : انا لسه دخلتها عشان اخرج منها .. ا ..

سعيد : مفيش داعى يجى اليوم اللي اعترف لك فيه انى

باحبك ، واخطبك ، وتجاوز ... وتبقى مصيبة ..

ماجده : عندك حق ياسعيد ، انا مش متصورة ان فيه راجل فى

الدنيا دى يقدر يتحملنى .

سعيد : انا كمان شرس جدا ... لذلك يتحسن بعد عن

بعض .

ماجده : فعلا ... نبتدى من دلوقت ، ممكن تبعد عنى شوية ..

الرقص له اصول .. لازم يكون بينى وبينك على الأقل

عشرين سنتى .

( يضمها اليه اكثر ) .

ماجده : كده كويس .. وارجوك .. لازم تحافظ على المسافة دى

بيننا .. مفيش داعى تقرب من بعض اكثر من كده .

سعيد : عندك حق .. عشان كلام الناس كمان .

( تلقى بخدها على كتفه وتحلم ) .

ماجده : حاتبقى دكتور فعلا .. وحاتبقى مشهور قوى ...

حايجيك العيانيين من العالم كله .. وحانفتح عيادة

فى السيدة زينب ... وحانعمل الكشف برقع جنبه ...

سعيد : ربع جنبه .. !؟ .. المرة الوحيدة اللي قربت فيها كتاب

فلسفة .. كان اسمه الفقر حشمة .. بابا هو اللي

مألفه .. ا ..

ماجده : ( هامسة ) .. من خمس سنين فيه واحدة ست شافت

لى الفنجان ..

سعيد : وقالت لك ايه .. ا ..

ماجده : قالت لى حاتتجوزى واحد مجرم قليل الحيا .. ابعدا

عنى شوية ياسعيد ..

( يحتضنها .. اختفاء تدريجى .. افلام ) .

## المشهد الخامس

( الشقة ، أضواء النيون تتسرب من الشارع )  
عبر النوافذ ، عبده واحمد يدخلان وهمما  
بحملان سرير سفرى صغير ) .

أحمد : ده ماحدث هنا .. حاسب يابنى .. حاتورنى .

( يسفحان مكان للسريير فى غرفة الصالون  
يضعانه فى ركن بجوار الحائط ، اخمد معه  
بضعة مجلات وجراند ، يفتح مجلة ، شاب  
يدخل ، يتخفى داخل الحمام ) .

عبده : ( يلمح خطابا على المائدة ) .. ده فيه جواب هنا هو ..  
( يتأمله ) ده لعصمت .

أحمد : ( مستغرق فى القراءة ) من مصر ؟

عبده : أبدا .. مفيش عليه بوسته ولا اختام .. ( نقرأ ) ..

الى اخى الكبير عصمت .. مع تحيات سمير عبد العزيز .

أحمد : آه .. ده الشاب الأسمر بتاع تجارة الأزهر .

عبده : تصور .. ساعتين وأنا واقف قدام الراجل اخدم عليه

.. وفى الآخر بيعت شكوى .. انت جيت تزوز اليوسف

منين ؟ .. النهارده نزلت ادور على الأهرام .. مالمقيتش

جرايد مصرى خالص .. مع ان المنطقة مليانه مصريين .

( شاب يدخل ، يخلع حذاءه ، يرتدى بيجاما

ينام ) .

أحمد : ما هو عشان المنطقة دى مليانه مصريين .. بتوع الجرايد  
ماعادوش يجيبوا جرايد عربى . اتضح انهم بيمسكوا

الجرايد .. بقروها وبحطوها تانى ، عشان كده الراجل  
اللى فى اكسفور ستريت كاتب يافطة If you want to  
read it buy it . اذا كنت عاوز تقرأها اشترىها .

عبده : ده مفترى قوى .. عاوز تشتري جرايدنا كمان ؟  
( يهضر عليتى بيرة من الطبخ ، يفتحهما ) .

عبده : فت امبارح على المركز الثقافى المصرى . قريت كل  
الجرايد والمجلات بتاع الشهر اللى فات . وكلت فول  
وطعمية وبصارة وعدس .. حته من مصر يابنى ..  
الجو والاكل والاغانى ، والزعيق ، والتواليينات اللى مش  
نضيفة ، تحس انك فى مصر فعلا .. حتى الدبان ..  
جايوه منين . ماتعرفش .

أحمد : ( يقرأ بصوت مرتفع ) .. اوقفوا الاساءة لسمعة مصر  
فى الخارج .

عبده : لسه بيشتعوتو .. ؟ ..

( الشاب الذى دخل الحمام يخرج منه مرتديا  
بيجاما .. ومعه شراب مفسول ، يضعه على  
جدار المدفاة ، ينام على الأرض ) .

زى كل صيف .. ناس تقول اوعوا تفروا الطلبة -  
وناس تقول سفروهم مش عارف انا ، مين اللى بيسوا  
سمعة مصر ، اللى بيروجع وينام فى الجنان ، والا اللى  
بينام فى الشيراتون ويخسر عشرة آلاف جنيه فى القمار  
فى نص ساعة .

الشاب : ( الراقذ على الأرض وهو يستعد للنوم ) .. معاهم حق  
ياجماعة .. الشبان هنا بيروجعوا ، وجزء كبير قوى  
منهم بينحرف ، الجوع عار .. والضياع عار .. كل دى  
حاجات تسوا سمعة مصر فعلا .. بس اللى انا مش

فاهمه .. هي قضية سياسية واجتماعية ؟ والا قضية  
جغرافية .. هو يعنى احنا بنجوع هنا بس .. نحرف  
هنا بس ... ؟ ... مش محموقين قوى كده ليه على  
اللى بيجوعوا هناك .. ؟ .. يعنى مسموح لنا نسا  
سمعة مصر بس على شرط ، يكون جوده الحدود . .  
( يتشاهب ) .. التاييمز النهارده يتقول ان وزير مش  
عارف ايه ، خد سمسة مش عارف كام ، فى مشروع  
مش عارف ايه .. تصبخوا على خير .

( يرتفع شخيره على الفور ) .

احمد : بيعاملوا مصر على انها بنت صغيرة . قاصر . خافين  
عليها من كل حاجة .

( الشاب الآخر النائم ) .

الشاب : حتى المؤلفين دايمًا بيرمزوا لها بواحدة ست .. ماحدش  
طلعها راجل .

( يعود للنوم ) .

عبيده : ولا خافين عليها ولا حاجة . دى عقد يابنى . ثيرة .  
حقد . حسد اتخن مافيهم ، يوم ما كان يسافر من  
الزقازيق لمصر ، يقول انا اتفريت .. دلوقت احنا بنلف  
العالم ، خيالهم طبعًا بيصور لهم ان احنا بنهيص هنا  
.. مقطعين السمكة ودبليها .. عاوزين يحرمونا من اللذ  
تصور . ساعتين وانا ..

احمد : ( مقاطعا وهو يطوى المجلة ) .. جيل منيل . لا يرحم ..  
ولا يسبب رحمة ربنا تنزل .. يالله بينا نجيب المرتبة .  
احسن نكسل .

عبيده : يالله .. تصور .. ساعتين وانا واقف اخدم على الراجل

وفى الآخر بيعت شكوى .. ( وهما على وشك الخروج )  
.. تصور .. الواد محمد بيقول لى حاجة مش معقولة .

( دخول عصمت وآمال يقطع الجملة ، يفاجأ

عصمت بوجود السرير ) .

عصمت : ايه يا جماعة .. مين اللى جاب السرير ده ؟

عبيده : احنا ..

عصمت : ما احنا كلنا نايمين على الارض سوا .. احسن مننا  
يعنى ؟

احمد : ده مش لينا .. ده لعيد ..

عصمت : غلط .. مش مسموح لنا نخط اى حاجة فى الشقة ،  
صاحبة البيت ممكن تطردنا .

عبيده : خلاص نرجعه . بس المحل زمانه قفل .

عصمت : ( بسخرية ) .. المحل .. ؟ .. لا فاتح .. المحلات اللى  
بتبيع الحاجات دى بتفتح طول الليل وطول النهار ..  
اتفصلوا ..

احمد : نرجعه ؟

عصمت : اتفضلوا دوزوا على مرتبة كويسة .

( عبيده يواصل جملة وهو خارج ) .

عبيده : الواد محمد يا اخى بيقول لى حاجة مش معقولة .  
البنت عنايات عملت اربعتاش جنبه اول امبارح ..  
تصدق ؟

احمد : يا جدد بطل قر بقى .. بطل نق .

( بخرجان )

آمال : لحظة يا عصمت لا البس البيجاما .

عصمت : اتفصلي يا حبيبتي .

( تدخل آمال غرفة النوم ، تجذب برافان )

صغير فتعزل الشقة عن الغرفة ، يسرعي

الخطاب انتباه عصمت ، يفتح الخطاب ويقراه ،

نستمع لصوت سمر عبد العزيز مسجلا .. )

ص/سمر : أخي الكبير عصمت .. تحية طيبة ، اشكرك على

ماعدتك الصادقة ، ولكنني قررت ان اشق طريقى

في لندن معتمدا على نفسى ، لقد تعرفت على صديق

بولندي مهذب يعمل معى في المطعم ، وسنستأجر غرفة

سويا ، وللعلم هو يجيد اللغة الانجليزية ، ولذلك

ساستفيد منه استفادة كبيرة ، عندما استقر في السكن ،

سأخبرك بعنوانى ، مع صادق تحياتى ، اخوك الصغير ،

سمر .

( يطوى الخطاب في حزن )

عصمت : صديق ... ه ... ؟ وادى واحد ضاع .

( ياخذ في ارتداء بيجامته )

ص/آمال : ( من خلف البرافان ) .. يعنى انا مثلا عندي نص الوقت

فاض .. ولذلك حادور على حاجة اشتغلها آخر النهار .

عصمت : على رايك يا آمال .. الواحد ان ماكانش يتعب في السن

دى .. حايصب امتى .. ؟ .. اسمعى انا قررت اغير

نظام شغلى ، انا باروح المطعم الساعة حداشر ، وباخض

سجعة ، ممكن آخذ وودية بالليل في مطعم تانى ..

ص/آمال : وتضع فترة الصبح ليه ، .. فيه لوكاندات بتقدم

نظار بس .. من سبعة لتسة ، وبتطلب ناس يشتغلوا

ساعتين ونص بس .. تاخذ فترة الصبح في لوكانده من

دول .. حاتخلص قبل ميعاد شغلك بساعة ونص ..

مستريح قوى .. على الاقل حتاخذلك خمستاشر جنبه

في الجمعة زائد البقيش ، ستين سبعين جنبه في

الشهر ، مش مبلغ قليل . الواحد لو نظم وقته ، ممكن

يشغل خمستاشر ساعة في اليوم ، مستريح ، من غير

ما يحس بارهاق .

( ثلاثة شبان يدخلون ، يظلمون احديتهم )

وينامون على الفسور ، عصمت يقترب من

البرافان يخفض من صوته ) .

عصمت : آمال .. الجو هنا بيسمح بالاحلام .. لكن في مصر ..

تفتكرى اهلك حاربجوا بى ... تفتكرى انه حايبقى

سهل ان ابن وكيل الامياشى .. يتقدم لبنت وكيل

الوزارة ... ؟

آمال : بابا ماتولدش وكيل وزارة ، ثم انا حرة في حياتى ..

انا اخترتك لانى بحبك .

عصمت : ودى قضية تانيه ، الغربة بتفقد الانسان جزء من اترانه ،

وجايز يخلط بين الصداقة والحب ، جايز يخلط بين

الشعور بالاحترام والشعور بالحب آمال .. انا عاوزك

تسألى فلنك كويس .. وارجوكى ؟ ماتسرميش في

الرد ( يقترب من البرافان اكثر ويهمس لها ) .. بتحيينى

افعلا .. ؟

( تظل يراسها من جانب البرافان )

آمال : ياسلام يا عصمت .. حتى لما بتحب .. بتحب معقلك ..  
مش بقلبك .

عصمت : الناس كلها ، ليها قلب .. وليها عقل .. الاتنين عندي  
في مكان واحد .

( يشير لقلبه ، تخرج من خلف البرافان وقد

أولدت بيجاما ، تقرب منه وتحديق في عينيه)

آمال : الحب ايه في تصورك ؟

عصمت : الحب مش اننا نبص في عينين بعض .. الحب ان احنا  
الاتنين نبص لهدف واحد .

آمال : ده انت شاعري كمان .

عصمت : مش انا اللي قلت الكلام ده .. مؤلف فرنساوى .

( تضع يدها على كتفه برفقة ) .

آمال : انا مابانهمش في الكلام الكبير قوى ده .. انا متأكدة من  
حاجة واحدة بس .. ( تمسك بخناقه بشدة ) .. مش  
حافظت من ايدي ... حانجوزك ...

عصمت : ( يمسك بخناقها هو الآخر ) .. صح .. هو ده التعريف  
المصرى للحب .. انتي كمان مش حافظتي من ايدي ..  
حانجوزك .

( تدخل ماجده وسعيد الذي يعمل بضعة  
كتب ومجلات ) .

ماجده : هاي ..

سعيد : اللي مايعرفش يقول خناقه ...

( آمال تجسنب ماجده وتدخل بها خلف  
البرافان ) .

عصمت : ايه اللي انت جايبه ده .. ( يتناول كتابا ) .. عظيم .. ؟

سعيد : ( باستنكار شديد ) .. عظيم ؟ .. مكتوب عظيم .. ؟

عظيم دى تقولها في بلدكم .. دى اوتيللو ، اصل حاتفرج

عليها الجمعة الجاية ، فقلت اقراها .. وده القاموس ..

اللي جافراها بيه .. وده كتاب عن تاريخ انجلترا ..

تصدق يا عصمت ان واحد في سنن ، عايش في لندن من

ستين ، مايعرفش حاجة خالص عن نضال الشعب

الانجليزي من اجل الديمقراطية .

عصمت : ( يتصنع أقصى آيات الدهشة ) ... مش معقول ...

سعيد : ( يؤكد ) .. والله العظيم ؟ حاكذب عليك ؟ اسكت ..

اسكت .. ده انضح ان الدنيا دى فيها حاجات كتير

قوى الواحد مش عارفها .

عصمت : يا خبر .. ناوى تسكت على نفسك ؟

سعيد : لا .. طبعاً ناوى اعرفها .. آدى الكتب .. وآدى

الجرايد والمجلات وآدى القاموس .. لو عرفت كل يوم

خمس كلمات .. يبقى حاعرف مائة وخمسون كلمة في

الشهر ، الف وثمانمائة في السنة .. دى مسألة سهلة

قوى يا عصمت .. على فكرة يا عصمت .. انا حابقي

كويس قوى .. وجايز .. ( يتوقف ) ...

عصمت : جايز ايه ؟

سعيد : ( وكأنه يحطم ) .. جايز اكمل دراستي ثاني .. هنا ..

في لندن ..

عصمت : فيه انقلاب حصل في معقلك ؟

ماجده : فيه طقوس لازم تتعمل ... ( بلهجة خطابية ) ... دى  
نقله خطيرة في تاريخك .. وتاريخ حياة الانسانية كلها ..  
( تجرى الى المطبخ وتحضر مفرقة يركع امامها  
على ركبتيه كما لو كانت ستصبه فارسا ..  
تلصص كتفه بالمفرقة ) .

ماجده : راضيا كنت .. قانعا كنت .. واطيا كنت ... مرتفعا  
ستكون انهض يا ابن الارض واطلع على السرير ..  
( ينهض واقفا .. مجموعة من الشبان تشترك  
كلها في حمل الخدة وتتقدم من السرير في  
احترام شديد ..

مجموعة اخرى تحمل البطانية وتسير خلفه  
الجميع يرددون في نغمات صوت متباينة ) .

الجميع : واطيا كنت .. مرتفعا ستكون ..

( مجموعة اخرى ، عندما يقترب من السرير  
تحمله في رفق وتضعه على السرير في هدوء  
شديد .. في نفس اللحظة التي يلامس فيها  
جسمه السرير .. يسقط السرير على الارض  
.. سعيد ينهض مسرعا .. يكاد يفتك باحمد  
وعبده .. يتعدان بسرعة ويقطبان راسيهما  
ليتقيا ضرباته المتوقفة ، يتمالك نفسه ..  
ويجذب البطانية والخدة من على السرير ،  
يضع الخدة على الارض ، يتفطى بالبطانية ،  
ثم يجھش في البكاء ...

ماجده تسرع اليه ... تنزل ... ) .

سعيد : مش انقلاب .. دى ثورة .. ثورة دمرت سعيد القديم  
.. وحاتمعمل سعيد الجديد ، سعيد الجديد ده بقى  
يا سيدى .. حايقى .. حايقى .. ( يحاول التذکر )  
.. استنى لما أفكر .. حايقى جزء من حركة الدنيا .

عصمت : ( وقد وصل لسر تحوله ) .. آه .. ( يقترب من  
البرافان ) حاسبى على الواد يا ماجده .. خفى عليه ..  
احسن تجيبى معاه نتيجة عكسية .. مستشفى الامراض  
العقلية هنا ، غالية جدا ..

ص/ماجده : ( من خلف البرافان ) انت حاتبلى على .. ماجيتش  
جنبه ..

( يدخل عبده واحمد يحملان المرتبة يضعانها  
على السرير ، عبده يضع عليها ملاءة فرش  
نظيفة . سعيد يراقبهما مندهشا احمد  
يقترب منه وينحنى امامه باحترام ) .

احمد : سر برك يا استاذ سعيد .

سعيد : ( بفرحة مبالغ فيها ) .. كمان .. ؟ .. سرير .. ؟ ..  
ابنى حبيبي حكمتك يارب .. كل الحاجات الحلوة  
بتتحقق في ليلة واحدة .

اخيرا اتقابلنا ... اشكرب يارب ...

( يقترب من السرير ، يلمسه باصابعه ، تخرج  
ماجده وآمال من خلف البرافان ) .

ماجده : استنى ياسعيد ، ... كله يصحى .. كله يصحى .

( الشبان النائمون يستيقظون ) .

## الفصل الثالث

### المشهد الأول

( عندما تفتح الستار ، نجد سعيد يجلس الى  
المائدة الصغيرة يكتب مذكراته ، احمد وعبد  
القطايري يمدان حقيقتين كبيرتين وهاندباج  
كبيرة ، بالقرب منها هاندباج اخرى ، من  
لهجة سعيد ومن اسلوبه في الاداء في الفصل  
الثالث ، لا بد ان يبدو لنا واضحا ، انه قد  
ازداد رقة ونقّة في نفسه ) .

سعيد : لندن .. ابريل سكوت .. الأربعماء ٣ اكتوبر سنة ١٩٧٣  
.. نهاية العطلة الصيفية ، جو الخريف الكئيب يزحف  
على لندن ، بدأ الاولاد يعودون الى مصر .. وبقوارى  
الآن عبده القطايري واحمد زغلول يمدان حقايبهما  
استعدادا للسفر .. هؤلاء الاوغاد الظرفاء سوف  
يتركون فراغا كبيرا في قلبي ، لا زالت ماجدة تراسل  
الجامعات في كل انجلترا بحثا عن مكان لى في احدى  
كليات الطب ، هناك احتمال كبير ان يقبلوننى في ويلز ..  
بعد ان التحق بالجامعة ، سنتزوج ، وبدلك يقضى على  
املى نهائيا في ان انام على سرير بمفردى .. ( يلتفت  
لهما ) .. الواد سفير سافر .. ؟ ..

احمد : في الغالب .. سفير ده حدوتة .. مايشتملش ، وببصر ف  
كويس ... كل يوم مع واحدة شكل .. وكل واحدة  
فيهم قد امة .



- الستار -

عبده : الاول بدأ مع الصغرين .. وبعد كده دخل في الكبار ..  
لونه مساعده .. بيدخل أى بار بيكسح ، اى واحد  
ابيض قوى زيبى ... مالوش سوق هنا .. آدينى فعدت  
في لندن ثلاث شهور ... يعلم الله اننى لم اذق اللحم  
الانجليزى ...

سعید : وطى صوتك ياوغد .. ( يشير الى ان هناك احدا ما في  
المطبخ ، في نفس اللحظة التى تخرج فيها ماجده من  
المطبخ حاملة صينية عليها بعض الاشياء ، عبده الفطائرى  
يغير لهجته ) .

عبده : حاكل لحمه منين ... ؟ .. يادوب الفلوس اللى بتطلع  
لى تاكلنى جينة وزيتون ... اخبار البقشيش ايه معاكى  
يا آنسة ماجدة ؟ ...

سعید : عبده بافطائرى ، انتى اتجننت اكيد .. عقلك اتلحس ..  
حاجة واحدة بس هى اللى شاغلاك .. البقشيش ..

ماجده : الخطورة لو نزل مصر واشتغل موظف قطاع عام ..

عبده : اظن بيسموها هناك اكرامية ... ربنا يكرمنا ياست ..  
ماجده .

احمد : عن اذنكم .. لسه ورانا لجنة مشتريات .

سعید : مش كفاية اللى اشتريته .. ( يحاول رفع الهاتف باج  
فيفشل في رفعها ) ... ايه ده يابنى .. ؟ .. الشنطة  
دى فيها مائة كيلو ...

احمد : مش حاتوزن ..

ماجده : شركات الطيران بتوزن كل حاجة .. وانتم حاتسافروا  
على اير فرانس .  
بيدققوا جدا ..

عبده : ابوه ... بس دى مش حاتوزن .

سعید : عاوز تفهمنى ان ليكم فيها قرايب .. ؟ ..

احمد : لا ... دى اللى حاتوزن .. ( يمسك بحقيبة اخرى  
شبيهة بها ولكن خفيفة جدا ) .. فيها بالطو .. وزنها  
بالكثير اتنين كيلو .

عبده : احمد حاتقعد بالتفيلة بعيد عن الموظف ... الموظف  
حاتيظ التكت بتاع الشركة على الخفيفة .. بعد كده ،  
حاتشيله ، ونحطه على الثقيلة .. والبس البالطو ...

ماجده : ولما الطيارة تقف ..

احمد : يعنى شنطتنا هى اللى حاتوقع الطيارة ...

ماجده : لو فيها تلاتين واحد عاملين زيكم ، ممكن تقف .

عبده : احنا عملنا تحريات ... عشرة مصزين بس اللى  
حايسافروا عليها .

احمد : سلامو عليكم .. اعملوا حساب العنايس .. حاتجيب  
البيرة معانا .

( بخسرجان )

سعید : حايوحشونى الاوغاد دول ..

( محلووظ بخسرج من الحمام وهو يجفف  
وجهه بغوطه )

**محفوظ :** يا سعيد .. دلوقتي السفارة مش عاوزه تديني باسبور بدال اللي ولع .

**سعيد :** طبعاً .. لازم بيعتسوا مصر ويعملوا تحريات .. مش جازي تكون بعته ..

**ماجده :** ممكن يدوك ورقة تسافر بيها ، اسمها ليينه باسيه ..

**محفوظ :** أنا مش عاوز اسافر .. أنا خلاص .. لقيت مطعم الحوض بتاعه عالي .. وناوي استقر .. المشكلة ان الإقامة بتاعتي ، حاتنتهي بكرة .. ولازم أروح أجددها

**ماجده :** ما تقدرش تجدها من غير باسبور .

**محفوظ :** فعلاً .. ولو قعدت من غير باسبور .. ومن غير إقامة ، ممكن يتقبض علي ويرحلوني .. ( لحظة صمت ) .. ما تعرفش حد تكلمولي يا سعيد ؟ ..

**سعيد :** أعرف .. الصبح انشاء الله ، أخذك ونطلع علي قصر باكنجهام .. تقابل جلالة الملكة .. حقيقي ست طيبة وبنت حلال .. ودايماً تقول بابي مفتوح لكل الناس ، يبجرد ما حاتعرف المشكلة دي ، حاتتصل فوراً بحزب المحافظين .. وطبعاً حزب المحافظين ، حافظ مشكلة كل مواطن هنا .. طبعاً رئيس الحزب حايتهم .. ويبت معانا حد للمأمور التسم هنا .. والمأمور يعمل لك اللازم وانت واقف ..

**محفوظ :** تفتكر رئيس الحزب حايتهم ويبت معانا حد .. ؟ ..  
**سعيد :** طبعاً ..

**محفوظ :** حد زي مين ؟ ..

**سعيد :** عسكري .. مخبر .. وزير .. ( بهجسوم ) .. انت

اتجننت يا راجل انت .. ؟ حد مين اللي عاوزني امرئه وأكلمهوك .. انت عاوز تجدد اقامتك فين ؟ .. في طنطا .. ؟

**ماجدة :** المشاكل هنا ما بتتحلش بالطريقة اللي بنحل بيها مشاكلنا في مصر .. الحياة هنا جد يا محفوظ افندي جد لدرجة القسوة ..

**محفوظ :** خلاص .. اجيب شهادة مرضية .. عشان لما يسألوني أقول لهم كنت عيان .. اظن دي سهلة .

**سعيد :** لو كان كده معلش .. الشهادة المرضي سهلة جدا .. مكتب الصحة في الشارع اللي ورانا .. تروح تتعج محك مع التمورجي ، يدلك الشهادة ، مفضية .. ومعمدة .. ومختومة ، أربعة وعشرين قيراط ..

**محفوظ :** كويس .. يعني أديله كام .. ؟

**سعيد :** يادي المصيبة .. يا راجل افهم .. انت بتستعبط والا ايه ؟ هنا مفيش شهادات مرضية ..

( تتصاعد عصبية سعيد بينما محفوظ بارد تماماً )

**محفوظ :** يعني ايه .. ؟ الناس ما بتعيش هنا .. ؟

**ماجدة :** مفيش شهادة مرضية الا اذا دخلت المستشفى نعلماً .

**محفوظ :** خلاص .. ادخل مستشفى ..

**سعيد :** ادخل ..

**محفوظ :** ما تعرفش حد تكلمولي .. بدخلني مستشفى .. ؟

**سعيد :** ومن غير ما أكلم حد .. ( يدخل المطبخ مسرعاً ويصود

( محفوظ بطل براسه من الباب )

محفوظ : والنبي يا سعيد ..

سعيد : ( بصيق شديد ) .. افندم .

محفوظ : كنت عاوز اقول لك ايه .. ( يتذكر ) .. آه .. والنبي  
يا سعيد .. على بالليل تكون فكرت لى فى طريقة ادخل  
ببها المستشفى .

( يخرج على الفور قبل ان يهجم عليه سعيد )

ماجدة : متصور انك مادام كنت فى كلية الطب .. يبقى تعرف  
تدخله مستشفى .

سعيد : ده مغشوش فى قوى .. المرض الوحيد اللي كنت باعرف  
اشخصه .. هو الزكام .

ماجدة : بس ..

سعيد : يعنى .. البرد ومشتقاته ، الزكام ، والانفلونزا ، والنزلة  
الشعبية ..

( يدخل عصمت ، يرفع يده بالتحية دون ان  
يتكلم من الواضح انه مجهد يتجه مباشرة الى  
السري ) .

سعيد : وبعدين ..؟

عصمت : وبعدين ايه ..؟

سعيد : وبعدين فى اللي انت بتعمله ده .. آخرته ايه ..؟ الصبح  
ساعتين فى لوكاندة تقدم فطار ، وبعدين ثمانية ساعات  
فى المطعم .. وبالليل فى لوكاندة مش عارف بتنيل فيها  
ايه .. حاستحمل لامتى ..؟

ومعه سكين طويلة ) .. حاديلك واحدة فى بطنك ، ترد  
فى المستشفى ست شهر .. ايه رايبك ..؟

ماجدة : ( جادة تماما ) .. بلاش معدته .. اضربه فى حته  
ما تكونش مهمة .. حته تكون عطلانة ما بتستغلس ..

سعيد : آه .. فهمت .. عقله .. حاجيب ايد هون .. واديلك  
واحدة على نافوخك .

محفوظ : ( ساخط ) .. ام بتتريقوا على يا جماعة ..؟ انا فى  
مشكلة فعلا .. بقى بعد الحياة ما بتبسم لى ، والاقى  
مطعم الحوض بتاعه على .. اخرده كله ، وارجع  
اشتغل مدرس ثانى .. يا اخى ساعدنى يا اخى .. ده  
انا كنت استاذك .. قف للمعلم ووفه التبرجلا ..

سعيد : ( يقف باحترام ) .. حاضر .. وقفت اهو .. خالصين  
يا سيدى .

محفوظ : يا اخى .. من علمنى حرفا .. صرت له عبدا .

سعيد : يا محفوظ افندى ، انت متصور انك علمتى حاجة ..؟  
خلاص يا سيدى .. انت السيد وانا العبد ، عاوزنى  
اصم لك ايه تانى ..؟

ماجدة : ( تنهى الموقف ) .. عشرة الاربعة دلوقتى يا محفوظ  
افندى .. مفيش داعى تترقد فى اول يوم تشتغله ..  
وماتناساش بالليل ، حاتمعمل حفلة صغيرة كده للجماعة  
المسافرين .

محفوظ : حاضر ، نازل على طول .. السلام عليكم .

( يخرج )

سعيد : راجل مش معقول ايدا ..

ماجدة : عصمت مش صغير يا سعيد .. هو عارف مصلحته  
كويس .

عصمت : مرسى يا ماجدة .. (وقد فرد جسمه على السرير) ..  
سعيد ، أرجوك ، صحنى بعد ربع ساعة .

سعيد : ( يمسكه من كتفه ويرغمه على الاستيقاظ ) .. لا ..  
مش حاتم .. أنا عاوز اتكلم معاك .

عصمت : أنا تعبان قوى يا سعيد .. ما تبقاش سخييف .. بعدين

سعيد : بعدين امى ..؟ أنا بقى لى شهر مش عارف اقصد  
معاك .. شغل ليل ونهار .. ليل ونهار .. عشان  
مين ؟ عشان الست آمال ؟

ماجدة : ( مؤنبة ) .. سعيد ، أرجوك .. ماتكلمش عليها بالطريقة  
دى .. آمال حاتبقى مراته فى يوم من الأيام .

سعيد : أنا لى فى عصمت أكثر من مراته .. أكثر من امه .

عصمت : ( وقد استند براسه على حديد السرير يحاول مقاومة  
النوم ) .. مش عشان آمال يا سعيد .. عشانى أنا ..  
لو تعبت دلوقت حاستريح طول عمرى .

سعيد : معقول الكلام ده ..؟ فيه حد بيصوت النهاردة ، عشان  
يعيش بكره .. ماتكلمى يا ماجدة .

ماجدة : حقيقى يا عصمت .. انت ممكن فى لحظة تدخل مستشفى  
وتصرف كل اللى حوشتوه ..

عصمت : أنا تعبان فعلا .. ويا فكر استريح شويه .. عشان كده  
خذت راحة الليلة دى من اللوكاندة .. أرجوك .. عاوز  
أنام عشرة دقائق بس .

ماجدة : سيبه ينام يا سعيد .. نام يا عصمت .

( ينام بالفعل )

سعيد : حاجة واحدة عاوزك تمرّفها قبل ما تنام .. احنا  
حاتجوز ..

( يقوم من النوم وهو يهز راسه بشدة لكى  
يتنبه )

عصمت : حاتجوزوا ؟

ماجدة : ايوه ..

عصمت : حاتجوزوا مين ؟

سعيد : حاتجوز بعض ..

ماجدة : بابا واماما وافقوا .. وحاييجوا هنا يقعدوا معانا اسبوع

سعيد : حاتكتب الكتاب فى السفارة .. ماذون اول السفارة هو  
اللى حايكتبه ..

عصمت : ( شدة الإجهاد يجعله يتكلم همسا ) .. الف مبروك  
يا جماعة .. لو كنت فابيق كنت قمت حضنتكم وبسنتكم

ماجدة : عقبالك يا عصمت ..

عصمت : متشكر .. ( ينام ) ..

ماجدة : حاتنزل الساعة كام ؟

عصمت : عشرة ..

ماجدة : هي عشرة دلوقتى ..

( ينهض بصعوبة )

عصمت : كويس .. اهو عينى غفلت شوية ..  
عصمت : ( ينظر في ساعته ) .. سمير انا نازل دلوقت .. ممكن  
اشوفك بالليل ؟ ..

سمير : ( يقاوم الالم وهو يجلس ) .. انا تعبان .. تعبان قوى .  
عصمت : مالك .. ؟

( ينظر لسعيد وماجدة وكأنه يخجل من  
الإفشاء امامهما بما يعانیه )

عصمت : ( ينظر في ساعته ) .. ماقدرش اناخر عن كده .. آمال  
بتستناني في الشارع .. والنبي يا سعيد تشوف سمير  
ماله .. ( في طريقه للخارج ) .. اشوفك بالليل يا سمير

( يخرج )

سعيد : مالك يا سمير .. ؟

سمير : انا عيان .

سعيد : عندك ايه .. ؟

( يصمت لحظة وهو ينقل نظراته بخجل بين  
سعيد وماجدة ثم يطرق برأسه ولا يجيب )

ماجدة : واضح أنك مش عاوز تتكلم قدامي ، مكسوف .. كان  
لازم تعرف يا سمير من الاول ان سلوكك لازم ينتهي بانك  
تصاب بمرض من النوع ده .

سعيد : من امتي الحكاية دي .. ؟

سمير : من شهر تقريبا ..

سعيد : شهر !؟ .. ومارحتش للدكتور !

( يقوم وهو يترنج ، يدخل المطبخ خطأ ..  
يخرج منه ثم يدخل الحمام )

سعيد : قلبى مقبوض يا ماجدة .. حاتحصل حاجة ..

ماجدة : حايحصل كل خير .. ما تحطش في بالك .

( يخرج عصمت من الحمام وهو يجفف وجهه )

سعيد : ما دام عندك راحة الليلة دي .. ما تنساش تبجي بدرى  
.. حاتعمل احتفال صغير ..

ماجدة : احمد وعبيده ومعاهم مجموعة حاسافروا الصبح ..

عصمت : حاضر .. ولو ان آمال عاوزة تخرج معايا تشتري شوية  
حاجات ..

سعيد : آمال دي نشطة جدا .. على العموم خلصوا مشاريعكم  
وتعالى ..

( عصمت في طريقه للباب ، يسير مهتزا ،  
يكاد يصططم بسمير الذى يدخل زائغ  
النظرات ، مكتئب كما لو كان يخفى أمرا  
مخجلا )

ماجدة : اهلا يا سمير .. شبعت رقص والا لسه .. ؟

سعيد : اهلا بالدون جوان ، فالنتينو .. قاهر الحسنات ..

سمير : ( ينظر له في خجل ثم يوجه حديثه لعصمت ) .. انا  
عاوزك ..

عصمت : خير .. ؟

سمير : حاجة خاصة بي .. مشكلة .

سمير : لا .. تصورت انه حايروح لواحده .. انا سمعت عن  
الامراض دى .. لكن .. لكن ..

ماجدة : لكن ما تصورتش انك ممكن تصاب بيه .

سمير : ايوه .. حاولت اقابل عصمت .. كان دايمًا مشغول .

سميد : وماجيتيليش ليه ..؟

سمير : كنت متلخبط ، وفي حالة نفسية سيئة جدا .. كمان  
اتسرقت .. كل فلوسى .. وحاجات كتير كنت شاربيها  
.. كلها اتسرقت من الاردة .

ماجدة : كنت ساكن مع مين .؟

سمير : كنت ساكن لوحدى .. قمت الصبح من النوم مالمقيتهاش

سميد : اختفت .. عفاريت خدتها .. لنسندن مليانة عفاريت  
اليومين دول .. بتصيب الناس بامراض وتسرقتها .

( لحظة صمت )

سميد : وانت مرووح بالليل .. ماروحتش بايدك فاضية .. فت  
على بار من اياهم .. وطنمت ومعاك واحدة .. الصبح  
سابتك نايم .. وخذت كل حاجة .. ده اللي حصل .  
مش كده ..؟

( لا يجيب ولكنه يومئ براسه موافقا )

ماجدة : مش وقته يا سميد .. المهم دلوقت انه لازم يتعالج فورًا

( سمير وقد فُشسل في منع دموعه ، يبكي  
بصوت خافت )

سميد : ( يهدئه ) .. اهدا يا سمير .. ما تتخضش .. الحاجات

دى بتتعالج بسهولة .. بس ما كانش يجب تسيب  
نفسك لحد ما تحصل لك مضاعفات .

سمير : ( من خلال الدموع والالام ) .. انا تعبنا قوى .. انا  
عارف ان ربنا بيعاقبنى على اللي عملته ..

سميد : حاتقوم معايا دلوقت نروح لاقرب مستشفى .

( واضح انه غير قادر على الوقوف )

سمير : متهيالى .. متهيالى .. مش حاقدر امشى ..

سميد : حاول .. حاتسند على لحد اقرب تاكسى ..

( يساعده على الوقوف ، يستند اليه )

يسير به في اتجاه الباب ، يقف لحظة ، يلتفت  
لماجدة )

سميد : ماجى .. فيه احتمال يحجزوه في المستشفى .. حاتعد

معاه لحد ما اطمن عليه .. اعتدري لهم في المطعم ..

مش حاعرف اروح النهاردة ..

( اختفاء تدريجى للاضاءة )

## المشهد الثاني

(اضاءة الشارع تأتي عبر النوافذ ، ظهور  
تدريجي للاضاءة ، سعيد يعلق بعض الزينات،  
وينسق بعض الزهور ، ماجدة ترص عددا من  
الاطباق على المائدة)

سعيد : التين دكاترة قعدوا يكشفوا عليه بيجي ساعتين ...  
وراوحوا حاجزينه ... وبدأوا يدوله علاج ...

ماجدة : طعما حصل له مضاعفات سيئة .

سعيد : الدكاترة اللي كشفوا عليه ، اتضح انهم مصريين ...  
المستشفى فيه عشرة دكاترة .. منهم ثمانية مصريين  
.. . . الواد سمر اتخض لما سمعهم بيتكلموا عربى ..  
انهياله انهم حايروحووا بقولوا لابوه .

( جرس الباب ، ماجدة تفتح الباب )

ماجدة : اهلا ... ده العصابة كلها وصلت ..

( يدخل عبده الفطاري حاملا كمية كبيرة )  
من علب البيرة .. المجموعة كلها تدخل خلفه  
وقد حملت كمية كبيرة من المشتريات ..

.. يظعنون البلاطى والبوفرات )

عبده : تلج بره .. تلج .. موت .. اللي بقعد فى الشارع اكثر  
من عشر دقائق يموت من البرد .. درجة الحرارة تيجي  
ماية تحت الصفر ... حاجة غريبة .. انجلترا دى  
يا اخى .. عالم متحضرين قوى .. ومع ذلك الدنيا  
عندهم برد جدا ..

... : ده ايه البرد ده يا اخى ..

... : نفسى فى شوية شمس من بتوع مصر ..

... : بكرة تشبع يا خويا ..

... : الحمد لله ان الشقة مكيفة ..

... : هو فيه حاجة مش مكيفة ... ؟

... : الشوارع ..

... : عاوزهم يكيفوا الشوارع كمان ..

... : فيه كبايات كفاية .. ؟

... : على ايه كبايات .... حاشرب البيرة من العلب على  
طول .

... : الواد ابراهيم ده معلم .. فلوسه جاب بها اكسونان  
عربيات .

... : حد بيجي يساعدى .. عاوزين نشوى لحمه .

... : الطرشى اللي كان هنا خلص .. ؟

( بعضهم يفتح عددا من الريكوردات ؟  
فنستمع لبعض الاغاني التى تتحدث كلها عن  
مصر .. )

ماجدة : اسمعوا يا جماعة ... وطو الريكوردات دى .. كله  
يجمع هنا ...

( صوت الاغاني فى الخلفية )

ماجده : فيه مفاجأة كنت ماجلاها لما بيجي عصمت وآمال ...

بس جازب يتأخروا .. ولذلك حاعلنها دلوقت ..

( تخرج مظرؤفا صغرا ثم تعتلى كرسيا )

ماجدة : لما تبعتوا جوابات انشاء الله .. ابقوا ابعتوها باسم  
الدكتور سعيد ابو الحمايل .. جامعة لندن موافقة انها  
تقبله في اعدادى طب ... وباعته تطلب شهادة بالمدة الى  
قعدنها في كلية الطب جامعة القاهرة .

( الجميع يهجمون عليه ، يقفزون عليه  
يقبلونه وهم يطلقون صيحات الفرح بينما هو  
يستغيث ، يخلص نفسه منهم ويذهب الى  
ماجدة ينزلها من فولد الكرسى ثم يقبلها في  
جبينها )

سعيد : ماجدة ... مش عارف أقول لك ايه ... حاقول لك حاجة  
احدة ... مشكر ..

عيسه : يبقى دلوقتى نشرب في صحة سعيد وماجدة ..

( يرفعون علب البيرة الى افواههم ، في نفس  
اللحظة يدخل محفوظ فيتوقفون عن الشرب ،  
محفوظ جسمه أنحنى لأعلى ويداه تعملان  
بلا توقف وكأنه لا زال مستمرا في غسل الأطباق  
امام حوض عال )

محفوظ : سبعة آلاف طبق من الصبح احد دلوقت .. على العموم  
أرحم من الأول على الأقل الواحد يمشى في إنجلترا وراسه  
مر فوعة لفوق .

( عيسه يساعده في أن يعود بجسمه وذراعه  
لحالتهم الطبيعية )

محفوظ : بتعملوا ايه .. ؟ .. بتحتفلوا بابه ؟ .. لكم عين  
تحتفلوا ؟ .. محفوظ الكفراوى حاينطرده بكره الصبح من  
لندن .. معاندكوش ضمير ؟ .. فكروا لى في طريقة  
ادخل بيها مستشفى ..

( الجميع يصمتون )

سعيد : انت حازن تانى ؟ .. طب اسمع .. ( وقد لمت في  
راسه فكرة ) .. تنفذ الى أقولك عليه ..

محفوظ : انفذ ... حايعمل ايه .. ؟ ..

سعيد : مالكش دعوة ... حادخلك مستشفى ... ماترجمش  
تعيط .. ؟ ..

محفوظ : لا ..

سعيد : كله ينفذ اللى حاقول عليه ... كل واحد يلبس انقل  
حاجة عنده ..

( يرتدون الجاكات والبلاطى والبلوفرات )

( بسرعة )

سعيد : تعالى اقف هنا .

( يقف به في منتصف الحجرة تماما )

سعيد : اقلع الباطو والجاكتة والقميص .. ولو لابس فائلة  
صوف اقلعها ..

( محفوظ ينفذ اوامر سعيد )

سعيد : عاوز اربعة جامدين .. ( اربعة شبان يقتربون منه ) ..  
اسكوه جامد .. او عوا يتحرك من مكانه ..

محفوظ : حايعمل ايه يا مجنون .. ؟ ..

سعيد : مالکش دعوة .. عبده .. فيه علية في المطبخ فيها شطة ..  
وفيه قالب حلاوة طحينية .. هاتهم ..

( عبد يخفى داخل المطبخ ، يعود ومعه  
علبة الومنيوم هائلة الحجم وقالب حلاوة  
طحينية )

محفوظ : كل دى شطة ..؟

( عبده يخرج من داخل العلية الكبيرة ..  
علبة صغيرة )

سعيد : جاهزين ..؟

الجميع : جاهزين ..

سعيد : عبده يافطيرى .. حاقول واحد اتنين ثلاثة ... تروح  
ماكلك الحلاوة الطحينية والشطة .. عارف ازاي ؟

عبده : عارف .. شوية شطة ووراهم حنة حلاوة ووراهم بق  
بيرة ..

سعيد : برافر ... واحد ... اتنين ... ثلاثة .

(دون ان يتنبه احد لما سيفعله ، يفتح زجاج  
النوافذ على مصراعيه .. تكاد نستمع لزمجرة  
الريح البارد داخلة الفرفة ، يعلو صراخ محفوظ  
بين ضحكات الجميع ، عبده الفطيرى مستمر  
في لهجته )

سعيد : امسكوه جامد .. او عوا يغلت منكم .. بسرعة يا عبده ..  
احسن يموت في ايدنا ..

محفوظ : ( يصرخ ) .. حاموت .. حاموت ..

ماجدة : غلط يا سعيد ... غلط اللي انت بتعمله ده .

( تجرى للنوافذ تفلقتها ، محفوظ يتاوه  
بشدة ، مجموعة من الشبان تحمله وتضعه على  
سرير وهو يتاوه ، تخفيه بالبرافان )

سعيد : ما تخافيش عليه .. حابستحمل للصبح .. والصبح  
انشاء الله حانتقله على المستشفى ... حابلاقوه عيان  
بمائة حاجة .. نزلة شعبية على التهاب رئوى ، على التهاب  
في القولون ، وجايز الشطة تعمل له قرحة في المعدة يبقى  
خير .. يعنى شوية حاجات تحير الدكاترة قولى جمعيتين  
على ما نتصرف .

( يدعو على ماجدة انها مستاة لماجدة )

عبده : ( يرفع علية البيرة ) .. بالله يا جماعة .. في صحة سعيد  
وماجدة ..

( يرفعون العلب ، احمد يدخل ، مضطربا )

سعيد : اهلا يا احمد .. خد علية بيرة .

عبده : مالك ..؟

احمد : عصمت اتقبض عليه ..

ماجدة : ايه ..؟

احمد : ( يرفع صوته قليلا ) عصمت اتقبض عليه ..

سعيد : ازاي .. وامتى .. وفين ؟

احمد : انا كنت في اكسفورد سترت باشترى حاجة من محل  
هناك .. خرجت لقيت زحمة قدام الباب .. وبوليس  
... وسمعت ناس يتقول مصرى .. اتضع انه واحد

سارق حاجة من المحل .. بصيت كده .. يمكن يكون  
حد اعرفه .. لقيته عصمت ... وخذوه في عربية  
ومشيو ..

ماجدة : آمال كانت معاه .. ؟

احمد : ما شفتهاش ... كانوا ماسكينه لوحده ..

سعيد : ما تعرفش خدوه على فين . ؟ ..

احمد : لا ..

( تدخل آمال ومعها بعض المشتريات ،

منكسة الراس ) .

سعيد : آمال ... انت كنت مع عصمت .. ؟ ..

آمال : ايوه ..

سعيد : حقيتي .. ( لحظة .. يبحث عن كلمة ) .. حقيتي خد  
حاجة من المحل ومدافعتي تمنها ؟ ..

آمال : ايوه ..

سعيد : يعني عصمت حرامي .. يسرق من المحلات ... تقوا  
معاه ايه .. ؟ ..

آمال : ما خدتش بالي ..

سعيد : افكرى ...

آمال : اظن شراب ..

سعيد : شراب .. ؟ .. حريمى والا رجالي .. ؟ ..

آمال : مش فاكرة ....

سعيد : لا فاكرة يا آمال .. فاكرة كويس قوى .. الشراب اللي  
سرقه عصمت .. حريمى والا رجالي .. ؟

ماجدة : حريمى ..

سعيد : الست آمال عاوزانا نصدق ان عصمت سرق شراب  
حريمى ثمنه ثلاثين بنس .. هو اللي خد الشراب  
يا آمال .. ؟ ..

( لا تجيب )

سعيد : ردى على من فضلك ... عصمت هو اللي خد  
الشراب .. ؟ ..

آمال : ( باندفاع ) وأنا اعمل له ايه .. هو اللي تسرع واعترف  
انه خده .. الشراب كان معايا انا ... كان في وسط  
الحاجات اللي اشتريتها ... بس انا كنت حانكر ..

سعيد : كنتى حانكرى .. ؟ ..

آمال : ايوه .. مفيش دليل على انى سرقته ... كنت حاقول ان  
أى حد حطهولى في الكيس .. لكن هو خدته الشهامة  
وتسرع ...

سعيد : تسرع .. ؟ .. آمنة آمال ، عصمت ما تسرعش في دى  
بس .. عصمت تسرع لما حب واحدة زيك ..

( يخطف جاكيت ويندفع خارجا ، تتبعه )

( المجموعة )

ماجدة : ( تقترب منها بهدوء وتكلمها بتؤدة ) .. وناوية تعمل  
ايه .. ؟ ..

آمال : حاسم ايه ؟ ..

## المشهد الثالث

( زلزانه ، نافذة صفرة في أعلى الزنزانة )  
مفطاة بقضبان حديدية ، سرير بلودين ،  
عصمت ينام على السرير الأسفل ، صوت وقع  
القدام ثقيلة ، ثم صوت باب حديدي ضخم  
يفتح محدثا صريحا .. الصوت يوقظ عصمت .  
يعتدل جالسا على سريره ، يدخل سعيد ) .

عصمت : أهلا يا سعيد ..

سعيد : اخبارك ايه .. آ ..

عصمت : نعمت .. نعمت نوم عميق ... اكتشفت ان أهذا مكان في  
العالم هو الزنزانة ... كويس انهم رضيووا بدخلك .  
سعيد : قلت لهم انا مندوب لجنة حقوق الانسان في الامم  
المتحدة . ( لحظة ) .. لجنة حقوق الانسان الحرامى .

( يضحكان )

سعيد : انا زعلان منك جدا .. بقى باراجل .. ده انت زميلى  
من عشرين سنة .. تخبى على المدة دى كلها انك  
حرامى ..

( عصمت يضحك )

عصمت : ( بدهشة مبالغ فيها ) .. مش معقول .. حقيقى  
ما تعرفش .

سعيد : والله العظيم ما اعرف .. صحيح انا كنت شاكك في الحكاية  
دى .. لكن مش متأكد .. بس حقيقى انت حرامى  
خبييان قوى ... تسرق شراب ثمنه ثلاثين بنس ..  
وبعدين اول ما يمسكوك ، تعترف ..

ماجدة : تروحي تعترفي بالحقيقة .. عصمت اثبت انه شهم  
ونبيل ، ويحك فعلا .. لازم تثبتى انك مش اقل منه .

آمال : مش حايبحصل له حاجة .. ممكن القاضي يبراه .. لان  
دى اول مرة ... اقصى حاجة ، برحلوه برة انجلترا ...  
في الحالة دى حانسافر احنا الاثنين ...

ماجدة : ده انت دارسة الموضوع كويس قوى ... غاب عنك ازاي  
ان المحلات كلها مليانة كاميرات ... ؟ .. ومادام المسألة  
تحتمل البراءة او الترحيل ... ما تروحي تعترفي ..  
على الأقل عشان تثبتى انك نتحييه ...

آمال : ماجى الموقف بيختلف بالنسبة لى ... لوخرجت من  
انجلترا مترحلة ، السفارة حاتعرف ، ودى حاجة ممكن  
تهز مركز بابا ... فيه تعديل وزارى حايبحصل ...  
وفيه احتمال كبير قوى انه ..

( تتوقف عن تكلمة الجملة )

ماجدة : ( متعملة ولكنها متمسكة بهدونها ) .. آمال .. انا عمري  
ما خجلت من حاجة عملتها ... لكن ، انا دلوقت خجلانة  
جدا لانى عرفتك في يوم من الايام ... انت قدامك فرصة  
واحدة عشان تصلحى اللي عملتيه ... ، .. تعيشي طول  
عمرك خدامة لعصمت بكده بس ، ممكن تكفري عن جزء  
من اللي عملتيه .. ( تفشل في التمسك بهدونها ، تنفعل  
في عصبية ) .. كمان فيه حاجة عاوزه اقولها لك من  
ست سنين .. بطلى كلام عن عيلتكم .. وعن ابوكى ..  
( تكاد تنفجر باكية ) .. يلعن روح ابوكى .

( تخطف معطفها وتخرج )

( تمر لحظة ، آمال ترفع راسها الى اعلى

وهي تبكى )

آمال : يا رب تطلع براءة يا عصمت ...

( اختفاء تدريجى )

عصمت : عاوزنى اكذب .. السرقة وامرها معروف .. حادخل فيها السجن .. لكن الكذب ممكن ادخل فيه جهنم ..

سعيد : السجن خلى دمك خفيف جدا .. ( جادا تماما ) ..  
عصمت ، .. مغيش وقت .. انت اتحدد لك جلسة بكرة الصبح .. الاقوال اللى انت قلتها قدام البوليس .. لازم تفيرها قدام القاضى .. لازم تقول الحقيقة ..

عصمت : الحقيقة انى خدت الشراب ..

سعيد : الحقيقة ان آمال هي اللى خدت الشراب ... آمال اعترفت بكده قدمنا كلنا .. الحقيقة ان حضرتك لعبت دور الفارس الشهم النبيل .. وخلصتها هي ، وورطت نفسك ..

عصمت : So what

سعيد : تعترف بالحقيقة .. ولو ما اعترفتش بالحقيقة ..  
حاروح المحكمة ومعايا تلاتين واحد يشهدوا انها اعترفت قدامنا ، انك ما خدتش حاجة .

عصمت : سعيد ارجوك ، كان لازم اعمل كده ، انا اتصرفت صح .. طول عمري اتعلمت انى اتصرف صح بغض النظر عن النتائج .

سعيد : النتيجة المرة دى ممكن تكون مغزعة ... ممكن تتسجن ..  
عصمت : ما اعتقدش ان انجلترا عندها استعداد تسجن واحد لجرد انه سرق شراب ..

سعيد : والله انا ما عرفتش القضاء الانجليزى بي فكر ازاى .. انا باحط قدامك فرض .. مش جايز يسجنوك !

عصمت : احتمال .

سعيد : فى الحالة دى حاتمعل ايه .. ؟

عصمت : حاتسجن طيبا .. وقطعا حاتبقى تجربة ظريفة ...  
مش اى واحد تتاح له فرصة انه يدخل سجن انجليزى ..

سعيد : ( بغضب ) .. ارجوك يا عصمت .. بطل خيال ...  
بطل رومانسية ... خليك واقعى دقيقة واحدة .

عصمت : واقعى يعنى ايه .. ا .. ادخل الانسانة اللى انا باحبها السجن ، عشان اخرج انا ؟ .. واقعية دى والا ندالة .. ؟

سعيد : ( بانفعال شديد ) .. الانسانة اللى انت بتحبتها لسة ..  
دى حقيقة مش عاورة فلسفة .. انت ايه ؟

الحب عمى عينك خلاص .. آمال لسة .. وطول الصيف بتسرق من المحلات ... حاتتجوز لسة .. ا حياتك حاتتجح مع لسة .. ؟ انت لازم تقطع علاقتك بيها فوراً .

عصمت : ( هادىء تماما ) .. لا يا سعيد .. آمال انسانة طبيعية

جدا .. اللى حصل ده مالوش صلة بالأخلاق انا معاك ..  
اللى حصل من وجهة نظر القانون ، يعتبر حادثة سرقة ..  
الحقيقة مش كده بالظبط ... من سنين طويلة والناس والناس يتعلم بال حاجات اللى بيتيجى من بره .. حاجات هايفة فعلا .. لكن الحرمان منها .. والكلام عنها دايمًا ..  
وصعوبة الحصول عليها بدون سبب مفهوم ... بيعمل نوع من الصرع .. نوع من المرض النفسى ... ممكن واحدة تبيع نفسها عشان بلوثة .. عشان فستان ..  
لما بيبجوا هنا ويدخلوا المحلات .

سعيد : بيتجننوا ..

عصمت : فعلا ..

سعيد : يا عزيزي الفيلسوف الرومانسى .. السرقة من المخلات مسألة شائعة في العالم كله .. مش مسألة خاصة بينا .. لصوصية عادية ... سرقة .. زى اللي بيرقوا الشقق .. الحالة المرضية نادرة جدا .. ثم انت عاوز تقنعنى ان آمال مجنونة .. ؟ خلاص .. موافق .. حانتجوز واحدة مجنونة .. ؟ .. مش هو ده المرض اللي بيسموه كليبتمانيا ..

عصمت : بالنسبة لآمال ، مش كليبتمانيا .. ده نوع من الانهيار العصبى .. الانهيار في مواجهة السلعة .. تقدر نسميه الانهيار العصبى السلمى ... حرمان طويل وفجأة ..

سعيد : عاوز تفهمنى ان بنت وكيل الوزارة كانت عايشة في حرمان طويل ؟ ..

عصمت : الأحاسيس بالحرمان في الطبقة دى بيتقى أكثر من الظلمة اللي زينا .. لاهى فوق قوى عشان تحصل على حاجة .. ولا هى تحت قوى بحيث ترضى بالحرمان ... المسألة نسبية .. فجأة بتلاقي نفسها في وسط آلاف السلع من كل الأشكال والألوان .. بتنهال .. لكن أنا مؤمن أننا لما نتجوز انشاء الله .. حايكون عنكنا بيت متماسك ، وحانتقدم للمجتمع اولاد كويسين .. حابتقى مسئوليتى أنا ، اتى أزرع في بيتى القيم الحقيقية ، وامتقد انى قادر على كده ... ( لحظة ) .. سعيد .. أنا عاوز أنزل مصر .. مهما فعلت هنا .. ومهما حققت من نجاح .. في النهاية حايبقى مواطن درجة ثانية .. أنا تعبت .. أنا تعبت من الضباب ومن المطر ..

سعيد : ( يكاد يتوسل ) .. عصمت .. أرجوك .. أنا محتاجك

معايها هنا .. انا حادخل كلية الطب هنا ..

عصمت : حقيقى .. الف مبروك .. سعيد انت مش محتاج حد جانبك .. انت معاك ماجدة ..

( صوت مفتاح في الباب .. ثم صرير الباب الحديدى )

سعيد : ( بسرعة ) .. عصمت .. المجموعة كلها اجلت سفرها هناك .. عصمت .. اذا كنت بتجبنى صحیح .. أرجوك .. قول الحقيقة بكره ...

عصمت : ( لحظة .. ثم ينظر له بإبتسامة ) ، وحشتنى القميص يا سعيد .. نفسى اتمشى على النيل في أكتوبر وانا لايس قميص بكم قصر ...

( سعيد يطرق براسه الى الأرض ، يمنع نفسه من البكاء ويستدير خارجا )

- ( السلام ) -

## المشهد الأخير

( الشقة ، المجموعة كلها موجودة ما عدا سمير ومحفوظ ، يجلسون في فلق صامتين ، ماجدة تحدث من خلال النافذة ، صوت الأمطار .. آمال وقد جلست على السرير وبجوارها حفايتها واشيائها ، تنظر للارض )

ماجدة : ( بعصية ) .. ضلعة .. الضباب كثيف جدا النهارده .. في عز الظهر ومشم شابتين حاجة في الشارع ..

( جرس الباب ، ماجدة تهرع لتفتح يدخل سميد ، يخلع مظفه الوافي من المطر ، ماجدة تاخذ البالطو وتنظر فطرات الماء من فوقه )

سميد : مالحتش الجلسة .. تبت .. ماعرفتش المبني بسهولة .. لما وصلت المحكمة .. كانوا خلصوا .. وخدوه .. ماعرفش حكموا عليه بابه .. الباسبور بتاعه هنا .. ( يلتفت لهم ) .. البوليس مابعتش يطلب الباسبور ..

( ماجدة تشعر برأسها بالنفي ، يتحرك في الشقة بقلبي .. بين الحين والآخر ينظر من خلال النافذة )

سميد : لو كانوا حابرخلوه ، أكيد حد حايجي يطلب الباسبور .. او جايز بيجن ياخده بنفسه .. ( لحظة صمت .. فجأة ) .. في ابتدائي ، كان دايمنا يطلع علينا الاول .. كان زميلي .. كان قاعد في اول دكة .. وأنا كنت قاعد

في الآخر .. ( يحاول ان يبدو مرحا ، يقاوم لكي لاينفجر في البكاء ) ... انا فاكر اول كلام قالهولي .. قال لي ماتيجي تقعد جانبي .. ولعي لي سيجارة يا ماجدة .. من بومها واحنا مع بعض .. عشرين سنة .. ( يضحك ) مش فاكرين سرق حنيفة من دورة الماية .. كنا في ثانية ابتدائي .. وعصمت شافه .. مارضيش يفتن .. مدرس الالعاب مده ، وقعد يضرب فيه من الحصة الاولى لحد الحصة السابعة .. مانكلمش .. ( ينظر من خلال النافذة ) .. عصمت لحظة .. يلتفت لهم ) .. آه .. افكرت .. انا .. انا اللي خدت الحنيفة وبعتها بخمسة تمريرة عشان ادخل سينما ايزيس .. ( ينظر لساعته في عصية ) مش معقول لحد دلوقتي البوليس مايبطش الباسبور .. ( يحرض طول المشهد الا يقع نظره على آمال وكأنها غير موجودة ) .. انا فشلت في كلية الطب مشان ماكانش معايا .. يعني .. مجموعي كان كبير وكان نفسي اطلع دكتور .. هو كمان مجموعه كان يدخله الطب .. رفض .. قال لي انا مش متصور يا سميد اني افتح بطن حد بمشروط .. كان ابن حلال قوي .. بس ساعات كان بيععمل حاجات تفرس .. يا سلام يا ولاد .. يا سلام يا عصمت .. حد كان يصدق .. حد كان يصدق .. بالطريقة كان يصدق اني حانفلك بالطريقة دي .. بالطريقة القدرة دي ... ( هادئا تماما ) ... في ثانوي لعبنا كورة

.. كنا متفاهمين قوى .. ( يلصق جبهته بزجاج النافذة  
.. ) كان يلعب جانبي .. كان دايمًا جانبي .. ( يفشل  
أخيرا في التماسك فيجهدش في البكاء وهو يضرب زجاج  
النافذة بعنف ) .. كان دايمًا جانبي .. دايمًا جانبي  
دايمًا جانبي .. دايمًا جانبي .. دايمًا جانبي .. دايمًا  
جانبي .. دايمًا جانبي .. دايمًا جانبي ..

( ماجدة والمجموعة تلحق به ، يهدونوه  
ويجلسونه على مقعد )

ماجدة : سعيد .. انت اتجننت .. هو عصمت مات .. ؟ ..  
انت ضعيف كده ليه .. تماسك يا اخي .. احنا عارفين  
حصل ايه .. مش جايز أفرجوا عنه ...

( صوت موتور سيارة ، عبده الفطايري يسرع  
للكنافذة ، عبر النافذة ، يأتي لنا ضوء احمر  
متقطع .. هو ضوء لبة سيارة البوليس ..  
صوب باب سيارة يفتلق ) ....

عبده : مربية بوليس .

( احمد يجرى ليفتح الباب .. لحظة ويدخل  
عصمت متدفعا )

عصمت : ( يتكلم بأندفاع ) .. شيء مدهش ان الواحد يتحلم في  
انجلترا .. قاضي ظريف جدا ولايس باروكة كبيرة بيضاء  
.. شعرها نازل على كتفه .. سألني .. كنت حاتدي  
الشراب لين .. لا .. قلت له ، لامي .. بص لي ببرود ..

وقال لي .. والحكمة بتحبي فيك روح البتوة دي ..  
وتقديرًا من الحكمة لسلوكك قررنا نسفرك مصر فورًا  
مشان تدهولها بسرعة .. ومن فضلك .. تصوروا ..  
بيقول لي من فضلك .. من فضلك اوعى تحاول تدخل  
انجلترا تاني ... ( يلتفت لسعيد ) .. الباسبور فين  
يا سعيد .. ( سعيد يشير للدولاب الحائط .. عصمت  
يخرجه منه بسرعة ) انجلترا كلها بتتسطر على  
وتطردني .. لكن الظابط اللي جانبي ، جنتلمان فعلا ..  
طول السكة واحنا بتكلم على شكبير .. كان المفروض  
يطلعني على المطار على طول .. استاذنته اجي هنا خمس  
دقايق .. ادبته كلمة جنتلمان .. جاهزة يا امال .. ؟ ..  
كويس انك حضرتي الشنتط .

آمال : ( تمد يدها بمظروف ) .. انا سحبت الفلوس من البنك

عصمت : ( ياخذ المظروف ) .. برافو عليكى .. يالله بينا ..

آمال : ( من الواضح انه ليس لديها نية السفر ) .. عصمت ..  
اتعاوزه اقول حاجة ..

عصمت : حبيتي ، احنا قدامنا خمس ساعات في الطائرة .. تقول  
فيهم للصبح .

آمال : ( بعد ان تلقى نظرة على المجموعة ) .. عاوزه اقول لك  
حاجة على انفراد ..

سعيد : ( بحدثة ) .. ممكن تقولي ايه ما ينغمش يتقال قدامنا ؟ ..  
.. اتفضلي اتكلمي .. أو اتفضلي انزلي معاها ..

آمال : ( بثبات ) .. عصمت .. لازم نفكر شوية .. انا حانزل  
مصر دلوقت لحد ايه .. لا حابقي هيبه عليك .. انا

حاديك فرصة سنة .. لحد ماتستقر وتكون نفسك ..  
وانا حاقد هنا اشتغل .. ولما تجهز .. تبعت لى اجى  
فورا .

( الكل يرقب الموقف باهتمام )

مصمت : ( فى حيرة ، يحاول مداراة صدعته ) .. آمال .. انا ..  
انا .. ( يفشل فى ايجاد الكلمة المناسبة .. يكاد  
يضحك ) .. هه .. آمال .. انا ..

( صوت سرينة بوليس قصيرة جدا ثم جرس  
الباب ، احمد يفتح )

احمد : الطابط ..

مصمت : ( يرفع صوته ) .. Yes Sir Iam Coming

( يذهب لسعيد ، يمد له يده ، يصافحه ،  
سعيد يقف ، يحتضنه ، المجموعة كلها  
تحتضنها وكانهم جميعا باقة من البشر ،  
آمال لا زالت جالسة وحدها منكسة الرأس .  
تجمد اللوحة بينما تخفت الاضاءة .. عندها  
يسود الظلام تماما تظل لبة سيارة البوليس  
الحمراء تبعت بصوتها المتقطع عبر النافذة ،  
تنزل .. )

( الستار )



على سالم

القاهرة ، ٢١ مايو سنة ١٩٧٥

رقم الايداع بدار الكتب ١٩٧٥/٣٩٢٥

:: سهر الليل :: ليلاس :: [www.liilas.com](http://www.liilas.com) ::